

ANG KURSO SA MASANGKAD NGA PAGHANAS *sang* PAGKA-KRISTOHANON

*“Magtubo sa grasya kag ihibalo sang
aton Ginoo kag Manluluwas nga si Jesu-Kristo.”
2 Pedro 3:18*

RICK HUGHES



Rick Hughes
EVANGELISTIC MINISTRIES

RADYO

Ang FLOT Line nagawaragwag sa kahanginan sa kada Domingo sa mga istasyon sang radio sa bug-os USA. Ang mga istasyon kag mga inoras nakalista sa aton website. Pamati paagi sa radyo, sa link sang istasyon ukon app sang radio. Ang lalambuton sang palagwaon amo ang pagbulig sa imo nga mapamatud-an kag makilala ang plano sang Dios para sa imo kinabuhì.

PODCAST

Ang FLOT Line Show podcast nagahimo sini para sa imo sing mahapos sa pagpamati sa imo iskedyul kag paagi sa imo paboritong galamiton. I-download ang sulugponang kopya sing mga lista sang mensahe sang palagwaon agud magamit subong galamiton sa pagtoon.

MGA LIBRO

A Crash Course in Christianity
A Divine Pardon
Bible Promises & Principles
Christian Problem Solving
FLOT Line Transcripts
God's Grace in Aging
Life's Toughest Years
Practicing Your Christianity
These Things
Understanding Your Soul

Ang mga libro nga naka-audio nakahanda na pamatian sa website.

MGA BOOKMARK KAG MGA HANDOUT

Magbisita sa website para sa karong panahon nga mga mapilian.

40 KA MGA MENSAHE SA SIMBAHAN

Magbisita sa website para sa bug-os nga lista sang mga topiko kag mga mapilian sa pagpangayo.

CONTACT

rickhughesministries.org
rick@rickhughesministries.org
PO Box 100, Cropwell, AL 35054
800-831-0718
Facebook & Instragam

Ang tanang mga materyal nakahanda na nga walay bayad

Ang Rick Hughes Evangelistic Ministries Inc. napundar para sa katuyoan sang pagpalapnag sang Pulong sang Dios sa mga estudyante kag mga administrador sa pribado nga mga eskwelahan kag mga simbahan sa bug-os nga Estados Unidos. Ini nga buluhaton sing pagpangalagad walay denominasyong nagduso sini kag ginahimo sing hilway nga walay bayad ukon obligasyon. Walay materyal nga ginabaligya kag walay mga halad nga ginpanguha.

ANG KURSO SA MASANGKAD NGA PAGHANAS SANG PAGKA-KRISTOHANON

*“Magtubo sa grasya kag ihibalo sang
aton Ginoo kag Manluluwas nga si Jesu-Kristo.”
2 Pedro 3:18*

RICK HUGHES

RICK HUGHES EVANGELISTIC MINISTRIES
P.O. Box 100, Cropwell, Alabama 35054-0100
rickhughesministries.org 800.831.0718

MGA HILISGUTAN

Ano ang Pagka-Kristohanon	1
---------------------------	---

Bahin 1 Kaluwasan

Kaluwasan	4
Kasigurohan sa Walay Katapusan	8
Kinaiya sang Dios	11

Bahin 2 Ang Kristohanon sa sini nga Tion

Ang Kristohanon sa sini nga Tion	15
Magpabilin nga Napun-an sang Balaan Espiritu	18
Ang Makasasala nga Kinaiya	18
Pagdumala sang Sala — Panumbalik	20
Ang Pagpuno sang Balaan Espiritu	25
Divine nga Disiplina	27
Ton-i ang Pulong sang Dios	32
Ang Ordinaryong Kristohanon	34
Mga Wala Nagapanghikot sing Husto sa Espirituhanong Kinabuhi	35
Ang Divine nga mga Institusyon	36
Ang Pamaagi sang Pagtoon	37
Pagkaespirituhanon kag Pagkahamtong	40
Ang Apat ka Dalayawon Kaayo	44
Ang Apat ka mga C	48

Gamita ang mga Galamiton sang Dios sa	
Pagsulbar-sang Palaligban	50
Panumbalik	51
Pagpuno sang Balaan Espiritu	52
Pagpaanad sang Pagtoo-nga may	
Kapahuwayan	53
Paghanas sa Grasya	58
Paghanas sa Doktrina	61
Kinaugalingong Pagbatyag sa	
Madangatan	62
Kinaugalingong Gugma para sa	
Dios	63
Dikinaugalingong Gugma para sa	
Tanang Katawhan	66
Pagpakig-ambit sa Kalipay	
sang Dios	67
Pagkanalikupan ni Kristo	70
Magtubo sa Espirituhanong Pagkahamtong	73
Ang Imo Pastor-Manunudlo	73
Ang Protokol sa Pangamuyo	75
TGH	80
Espirituhanong Bwelo	82
Ang Armas sang Dios	83
Divine nga Kaayo ukon	
Tawhanong Kaayo	87
Ang Imo Espirituhanong Dulot	89
Ang Dimakit-an nga Bagani	91

Bahin 3

Ang Kristohanon sa Eternidad

Ang Kristohanon sa Eternidad	95
------------------------------	----

Langit	96
Ang Imo Nabanhaw nga Lawas	96
Mga Pakamaayo kag mga Padya sa Eternidad	97
Ang Ditumuluo sa Eternidad	98
Si Kristo ara sa Imo	100
Tultulanan sa Balaan nga Kasulatan	101

ANO ANG PAGKA-KRISTOHANON

Ang pagka-Kristohanon amo ang kinaugalingong relasyon kay Jesu-Kristo. Ini indi relihiyon. Agud makakinabuhi sa Kristohanong pamaagi sang kinabuhi ginakinahanglan mo maggamit sing labaw pa sa natural nga kamanggaran nga ginhatag sang Dios sa imo. Partikular nga ini naging kinahanglan sing pagpuno sang Balaan Espiritu kag sing kakusog sang Pulong sang Dios sa imo kalag. Ini nanginahanglan sang pinasahi nga pamaagi sang pagpanghunahuna nga gintawag divine nga palanan-awon.

Maghunahuna sang Hunahuna ni Kristo

Hupti ninyo ini nga hunahuna nga ara man kay Kristo Jesus. (Mga Taga-Filipos 2:5)

Indi na kamo magpanghunahuna sa inyo kaugalingon suno sa inyo pagkamataastaason labaw pa sa kon ano ang dapat ninyo hunahunaon kondi suno sa pagpaubos subong nga ang Dios naggahin sa kada isa sa aton sang talaksan sing pagpanghunahuna halin sa Iya Pulong. (Mga Taga-Roma 12:3)

Ang Kristohanong kinabuhi nagakinahanglan sing pagtuman suno sa panghunahuna indi sa mga balatyagon. Sa sini nga libro magahatag ako sing pangunang mga palatukuran halin sa Bibliya agud magbulig sa imo nga makatoon sang divine nga palanan-awon nga nagahunahuna kag

makahangup sang pinasahi nga plano sang Dios.

Ang Dios may sistema sa paghimo sini kag ini ginatawag protokol nga plano sang Dios. Ang protokol nagakahulugan sing paghimo sang tama nga butang paagi sa tama nga pamaagi. Ang Dios naghatag sa imo sang nakalibro nga plano para sa pagkinabuhi sang imo espirituhanong kinabuhi. Ang nakalibro nga plano amo ang Iya Pulong, ang Bibliya. Ton-i kag tumana ang protokol nga plano sang Dios kag makaangkon ka sang puwede mahanduraw nga labi ka imposibleng kinabuhi.

Ang Dios nagahatag sa imo sang pinasahi nga mga galamiton sa pagsulbar-sang palaligban. Sila tanan makitan sa Bibliya kag aton sila diskusyunan sa sining bug-os nga libro. Kon maton-an kag magamit mo sila, magahulag sila bilang ang indi makitan nga balabag sa pagpauntat sang sa gowa nga mga ginhalinan sang kalisdanan nga mangin kalapyoon sa imo kalag. Ang kalisdanan amo ang kon ano ang ginahimo sa imo sang mga kahitaboan. Ang kalapyoon amo ang kon ano ang ginahimo mo sa imo kaugalingon.

Ang kalisdanan indi malikawan, ang kalapyoon boluntaryo

Ini nga mga butang ginhambal Ko sa inyo, agud nga sa Akon may paghidait kamo. Sa kalibutan may dakong kalisdanan kamo, apang magpakaisog; nadaog Ko ang kalibutan. (Juan 16:33)

Huo, makakinabuhi ikaw sing kinabuhi nga hilway sa kalapyoon, hilway sa kabalaka, hilway sa kahadlok kag hilway sa kaakig. Amo ini ang kinabuhi nga gindisenyo sang Dios nga imo igakinabuhi, kag dalayawon gid kaayo ini.

Ginlarawan ini sang aton Ginoo samtang ari Siya diri sa kalibutan. **May ara ka kapareho sining mga pagkabutang nga nakahanda na para sa imo nga gingamit ni Jesu-Kristo agud mapreserba pinaagi sa kalisdanan kag masakdag didto sa krus.** Ginpagamhan ka sang Balaan Espiritu, ang buhi nga Pulong sang Dios, kag ang pag-istar ni Jesu-Kristo sa imo kinabuhi. Isip-isipa ang naangkon mo nga bentaha.

Subong nga ara sa duug sang pagtoon, may bokabularyo nga nagaugyon sa paghangup sang Pulong sang Dios. Ginapapagsik ko ikaw nga magsulat sang mensahe samtang nagabasa ka kag nagatupad sang imo Bibliya agud mapangita mo ang dugang nga kasayuran sa Balaan nga Kasulatan. Dason ton-i liwat ang imo nasulat nga mga mensahe agud nga ang impormasyon mahangpan pa gid sing bug-os. Ang konsentrasyon amo ang yabi sa pagtoon. Kon indi ka makabug-os sing paghunahuna, indi ka makahangup. Agud mangin lalaki ukon babayi nga ginadiseno sang Dios nga mangin ikaw, himoa ang pagtoon sang Pulong sang Dios nga mangin adlaw-adlaw nga kinabatasan.

Ini nga libro nagatumod sang pangunang mga palatukuran sang pagka-Kristohanon kag nahan-ay paagi sa tatlo ka mga bahin sang Kristohanong pagkinabuhi.

Bahin 1 — Kaluwasan

Bahin 2 — Sa sining tion

Bahin 3 — Eternidad

BAHIN 1

KALUWASAN

Ang Kristohanong kinabuhi nagaumpisa sa kaluwasan. Ang labing importante nga desisyon nga imo gid pagahimoon sa kinabuhi amo ang batonon ukon isikway si Ginoong Jesu-Kristo subong imo Manluluwas.

Ano bala ang ginahunahuna mo nahanungud kay Kristo? (Mateo 22:42)

Magtoo kay Ginoong Jesu-Kristo kag maluwas ka. (Mga Binuhatan 16:31)

Ang kaluwasan amo ang pagbaton kay Jesu-Kristo subong imo Manluluwas paagi sa pagtoo sa Iya natapos na nga trabaho didto sa krus. Ang tinoohan amo ang buhat sang pagtoo. Sa mahipos lamang, puwede ka magpangamuyo sang isa ka butang nga subong sini, “Amay, nagatoo ako sa Imo Anak nga si Jesu-Kristo nga napatay didto sa krus tungud sa akon. Ginabaton ko Siya subong akon Manluluwas. Salamat. Sa ngalan ni Kristo ginapangamuyo ko, Amen.”

Kaluwasan

Ang kaluwasan amo ang grasya nga dulot sang Dios para sa tanan. Talupangda isa ini ka dulot. Indi ka mangin-dapat sini kag wala ka sing mahimo nga bisan anong butang agud maagum ini.

Kay tungud sa grasya naluwas kamo pinaagi sa pagtoo kag indi ini tungud sa inyo mga kaugalingon, amo ini ang dulot sang Dios, indi subong ang resulta sang mga trabaho, agud nga walay bisan isa ang makapabugal. (Mga Taga-Efeso 2:8–9)

Ang mga trabaho indi makapakadto sa imo didto sa langit, indi bisan ang pagka-mangin maayo, ang pagsimba ukon ang pagsunud sa pila ka mga ginadumili subong sang indi mag-inum, indi manigarilyo, indi maghimo sini ukon sina. **Wala ka gid sing mahimo agud makakadto sa langit.** Madamo ang wala nakahangup sini. Gani tugoti nga liwatliwatan ko ini. Wala ka gid sing mahimong nagakaigo nga kamaayo. Ginakinahanglan makaangkon ka sang pagkamatarong sang Dios agud makaangkon sang walay katapusan nga kasigurohan. Ang Dios nagahatag sa imo sang Iya pagkamatarong mismo sa tion sang kaluwasan kag ini nagatugot sang Iya katarungan sa pagbaton sa imo. Karon may ara ka na sang permanente nga relasyon sa Dios. Sa ano bala nga pamaagi ini mangin posible?

Siya nga wala nakakilala sang sala ginhimo nga mangin sala tungud sa aton agud nga kita mangin ang pagkamatarong sang Dios sa Iya. (2 Mga Taga-Corinto 5:21)

Ang solo nga perpektong tawo nga nangin kag mangin ara sa bisan kasan-o ginhalad para sa inyo. Ang Dios nga Amay nagpapas-an sa Dios nga Anak sang mga sala sang kalibutan. Ang mga sala sang intero nga katawhan ginhukman didto sa krus. Ginakinahanglan mahangpan mo kon ngaa ini importante gid kaayo nga si Jesu-Kristo nalansang sa krus. **Si Jesu-Kristo nag-angkon sang imo lugar.**

Napatay Siya subong halili para sa imo. Kon magtoo ka sa nakompletong trabaho ni Jesu-Kristo didto sa krus, ang pagkamatarong sang Dios nagabaylo sang imo dipagkamatarong.

Kay ang bayad sang sala amo ang [*espiritu-hanon*] kamatayon, apang ang dulot sang Dios amo ang kinabuhi nga walay katapusan sa kay Kristo Jesus nga aton Ginoo. (Mga Taga-Roma 6:23)

Wala sang bisan isa sa kalibutan ang kwalipikado nga makakadto sa langit. Ang interong katawhan makasasala. *Pinaagi sa isa ka tawo [Adan] ang sala nagsulud sa kalibutan (Mga Taga-Roma 5:12).* Ginpili ni Adan nga magpakasala didto sa Hardin sang Eden. Sa sina nga tion napatay siya sa espiritu. Tungud sang espirituhanong kamatayon ni Adan, kita tanan natawo nga buhi sa lawas apang patay sa espiritu, nga may makasasala nga kinaiya nga ginpasa direkta halin kay Adan pakadto sa aton biyolohikal nga amay. Kita tanan mga dimatarong tungud kay kita natawo nga patay sa espiritu nga may makasasala nga kinaiya. Ang solong pamaagi agud makakadto sa langit amo ang pag-angkon sang pagkamatarong sang Dios. ***“Si Jesus nagsabat kag nagsiling sa iya, ‘Luwas kon ang isa matawo liwat indi siya makakita sang ginharian sang Dios’” (Juan 3:3).***

Ang kada isa sa aton ginhatagan sang grasya suno sa talaksan sang dulot ni Kristo. (Mga Taga-Efeso 4:7)

**Ang kaluwasan amo ang grasya
nga dulot sang Dios sa inyo
Wala gid kamo sing mahimo
nga makaagum sini**

Ako amo ang dalan, ang kamatuuran, kag ang kinabuhi; walay makakadto sa Amay kon indi pinaagi sa Akon [*si Ginoong Jesu-Kristo*]. (Juan 14:6)

Kay ang bisan sin-o nga natawo sa Dios naga-daog sang kalibutan; kag ini amo ang pagdaog nga nagadaog sang kalibutan: ang aton pagtoo. (1 Juan 5:4)

Ang kinabuhi nga walay katapusan amo ang saad sang kaluwasan sa yadtong nakabaton kay Ginoong Jesu-Kristo subong ila Manluluwas. Ini nagakinahanglan sang pagtoo lamang sa kay Kristo lamang. Ang kaluwasan hingpit.

Magsalig sa imo walay katapusan nga kasigurohan. Madamong katawhan ang wala nakahibalo kon sila siguradong luwas na. Naglaum sila nga luwas na sila. Nagapaninguha kag nagatrabaho sila agud mangin maayo gid agud maluwas.

**Kon ikaw ara kay Kristo luwas ka na
Indi magduhaduha**

Kay kamo tanan mga anak sang Dios pinaagi sa pagtoo kay Kristo Jesus. (Mga Taga-Galacia 3:26)

Ang bisan sin-o nga nagatoo nga si Jesus amo ang Kristo natawo sa Dios. (1 Juan 5:1)

Kay wala ko ginakahuya ang maayong balita ni Kristo kay ini amo ang gahum sang Dios para sa kaluwasan sang tanan nga nagatoo. (Mga Taga-Roma 1:16)

Sakup ka sang Harianong Pamilya sang Dios sa walay katubtuban

Ang bisan sin-o nga nagatoo sa Akon may kinabuhi nga walay katapusan kag indi na mahukman kondi nakasaylo halin sa kamatayon pakadto sa kinabuhi. (Juan 5:24)

Kasigurohan sa Walay Katapusan

Sa makaisa nga naluwas, pirmi na gid naluwas. Indi mo gid madula ang imo kaluwasan.

Nagahatag Ako sa ila sing kinabuhi nga walay katapusan, kag indi na gid sila mapatay; kag walay isa nga makaagaw sa ila sa Akon kamut. Ang Akon Amay, nga naghatag sa ila sa Akon, dako pa kay sa tanan; kag walay isa ang makasarang mag-agaw sa ila sa kamut sang Amay. (Juan 10:28–29)

Sadtong nagligad nga eternidad ang Dios naghigugma gid sa imo nagsangkap Siya sa imo sang Manluluwas. Ina nga gugma ginpahayag sa sini nga tion sang si Kristo nagabot sa kalibutan kag nagpalansang didto sa krus. Sa tion nga maghimo ka sang desisyon nga magtoo kay Kristo, ang gugma sang Dios ginahatag sa imo, karon kag sa eternidad. Wala gid sing makapahamulag sa imo sa Iya.

Nakombensi ako nga indi ang kamatayon, ukon kinabuhi, ukon ang mga anghel, ukon ang mga punoan, ukon ang mga butang sa karon, ukon mga butang sa palaabuton, ukon mga gahum, ukon kataasan, ukon kadadalman, ukon ang bisan anong iban pa nga tinugang butang, ang makasarang sa pagpahamulag sa aton sa gugma sang Dios, nga ara kay Kristo Jesus nga aton Ginoo. (Mga Taga-Roma 8:38–39)

Sa makaisa nga mabaton mo si Jesu-Kristo subong imo Manluluwas, ang pagkamatarong sang Dios ginhatag sa imo. May ara ka sing kasigurohan sa walay katapusan. Permanente ini. Subong sang natawo ka sa imo tawhanong pamilya kag indi mapanghiwala nga natawo ka sa imo pamilya, sa tion sang kaluwasan natawo ka sa Harianong Pamilya sang Dios. Indi mapanghiwala nga natawo ka. Sa makaisa nga ara sa pamilya sang Dios indi ka puwede pahalidon. Ang pagkamatarong sang Dios ara sa imo kag indi Siya makapanghiwala sang lya kaugalingon.

Kon kita dimatutum, Siya nagapabilin nga matutum, kay indi Niya mapanghiwala ang lya kaugalingon. (2 Timoteo 2:13)

Ayhan nakahimo ka sang Akon Pamaagi ukon Desisyon ang Masunod kag ang imo kinabuhi nakalambot sa makangilidlis nga direksyon. Ayhan napaslawan ka kag nakahimo sing pila ka miserable nga mga butang. Ayhan nagpamangkutanon ka, “Ang Dios makahimo bala sa pagpanas sang akon kinabuhi nga walay katapusan kon nasayup man gid ko?” Ang sabat indi! Ang Dios walay pagbaylo. Indi Niya panason ukon pagapanason ang bisan anong pangako nga lya ginahimo sa imo.

Kon wala ka sing ginahimo nga bisan anong butang agud maagum ang kaluwasan, sa ano bala nga pamaagi ikaw makahimo sing isa ka butang agud madula ini? Wala ka gid sing mahimo. Bisin pa kon ipanghiwala mo ang imo kaluwasan, pakadto ka sa langit. Ang Dios indi magpanghiwala sa imo. Bisin pa kon maghimo ka sing makangilidlis nga sala sa pagkuha sang imo kaugalingong kinabuhi indi ini makapanas sang imo kaluwasan. Ayhan talikdan mo ang Ginoo apang ang Dios magapadayon sa paghigugma sa imo. **Ang Dios indi gid magpabaya sa imo.** Indi ka gid Niya pagpatumbayaan. Ang gugma sang Dios perpekto kag walay kondisyon.

Indi Ko gid ikaw talikdan ukon indi Ko gid ikaw pagpatumbayaan. (Mga Hebreo 13:5)

Sa Makaisa nga Naluwas — Pirmi gid Luwas

Ang kinabuhi nga walay katapusan may hingpit nga pagsalig nga ikaw magakadto sa langit bisin pa sang imo mga kasawayan kag sang imo mga kapaslawan. May ara ka permanenteng relasyon sa Dios.

Ini nga mga butang ginasulat Ko sa inyo nga nagatoo sa persona sang Anak sang Dios, agud nga makasalig kamo nga may ara kamo sing kinabuhi nga walay katapusan. (1 Juan 5:13)

Amo ini ang saad nga sa diin Siya gid Mismo ang naghimo para sa aton: ang kinabuhi nga walay katapusan. (1 Juan 2:25)

Ang kaluwasan nagaumpisa sang imo permanente nga

relasyon sa Dios. Agud mabuligan ka sa pagsugod nga mahangpan ang Dios, ari ang kasumahan sang kinaiya sang Dios.

Kinaiya sang Dios

Ang Dios ara subong tatlo ka klarong lainlain nga mga persona nga mga magkatumbas kag parehong walay katapusan, kag nagaangkon sing kaparehong kinaiyahan. Ang kada sakup sang pagka-Dios, ang Dios nga Amay, Dios nga Anak kag Dios Balaan Espiritu, isa ka lainlain nga persona. May ara sila magkapareho nga mga kinaugalian. Ang Dios nga Amay amo ang manugdesinyo sing plano sang Dios. Ang Dios nga Anak (Jesu-Kristo) amo ang ahen-te nga pinaagi sa kon sin-o ang plano natuman. Ang Dios Balaan Espiritu nagapahayag sang plano sa aton.

Si Jesu-Kristo amo man kahapon kag karon kag sa walay katubtuban. (Mga Hebreo 13:8)

Ang mga kinaugalian sang Dios amo ang mga kalidad sang Iya kinaiya. Ini nga mga kinaugalian wala gid nagabay-lo kag nagatrabaho sila paagi sa bug-os nga paghinangpanay. Ang mga kinaugalian sang Dios nagalakip sang:

Labaw nga Kagamhanan. Ang Dios amo ang kinalabwan nga kagamhanan. Siya amo ang hingpit nga awtoridad. Siya amo ang Kinataasang Manugdumala sang bug-os kalibutan kag Hari sang mga langit kag kalibutan.

Imo, O Ginoo, ang pagkadako kag ang gahum kag ang himaya kag ang kadaugan kag ang pagkahalangdon; sa pagkamatuud ang tanan nga butang nga ara sa mga langit kag ang sa

kalibutan; Imo ang pagdominar, O Ginoo, kag ginabayaw Mo ang Imo kaugalingon subong ang pangulong labaw sa tanan. (1 Mga Cronica 29:11)

Pagkamatarong. Ang Dios amo ang hingpit nga pagkamatarong. Perpekto Siya kag wala gid sing sala.

Ang Akon pagkamatarong mangin sa walay katubtuban kag ang Akon kaluwasan para sa tanang mga henerasyon. (Isaias 51:8)

Katarungan. Ang Dios amo ang katarungan. Siya naga-hukum paagi sa perpektong pagkamaangayon. Ang Iya katarungan nagapatuman sang kon ano ang ginakinahanglan sang Iya pagkamatarong.

Ang pagkamatarong kag ang katarungan amo ang pundasyon sang Imo trono; ang mapinadayunon nga gugma kag ang kamatuuran naga-una sa Imo atubangan. (Salmo 89:14)

Gugma. Ang Dios amo ang perpektong gugma. Ang Iya gugma walay katapusan kag walay pagbaylo suno sa Iya pagkamatarong kag sa Iya katarungan.

Gani nakahibalo kita kag nagatoo sa gugma sang Dios sa aton. Ang Dios gugma, kag ang nagapabilin sa gugma nagapabilin sa Dios kag ang Dios nagapabilin sa iya. (1 Juan 4:16)

Kinabuhi nga Walay Katapusan. Ang Dios walay tinion. Ang halangdong **Ako**, walay ginsuguran kag walay katapusan.

‘Ako amo ang Alpha kag ang Omega,’ nagasi-ling ang Ginoong Dios, ‘nga amo karon kag amo man anay kag amo ang magakari, ang Makagagahum.’ (Bugna 1:8)

Sa ginsuguran amo ang Pulong [*Dios nga Anak*], kag ang Pulong kaupod sa Dios [*nga Amay*], kag ang Pulong Dios. (Juan 1:1)

Pagkahibalo sang Tanan. Ang Dios nakahibalo-sang tanan. Pirmi gid Niya nahibal-an ang nagligad, karon kag ang palaabuton nga mga panghitabo.

Ang Iya paghangup walay dulonan. (Salmo 147:5)

Pagkamakagagahum sa Tanan. Ang Dios amo ang gamhanan-sa tanan. Siya walay limitasyon sa Iya abilidad kag makahimo sang tanan. Siya amo Ang Makagagahum.

Kay sa Dios walay bisan ano nga indi mahimo. (Lucas 1:37)

Pagkaara bisan diin. Ang Dios ara bisan diin samtang indi limitado sa bisan anong partikular nga duug sa bug-os kalibutan.

‘Ako ang Dios nga ara sa lapit,’ nagapahayag ang Ginoo, ‘kag indi ang Dios sa layo?’ ‘Makapanago bala sang iya kaugalingon ang tawo sa talagoan nga mga duug agud nga indi Ko siya makita?’ nagapahayag ang Ginoo. ‘Wala Ko bala ginapuno ang mga langit kag ang kalibutan?’ nagapahayag ang Ginoo. (Jeremias 23:23–24)

Pagkawalay Pagbaylo. Ang Dios wala nagabaylo. Siya ahingpit nga kalig-onan. Walay kinaugalian nga makapanghikot sing hilway sa Iya iban pa nga mga kinaugalian.

Kay Ako, ang Ginoo, wala nagabaylo. (Malaquias 3:6)

Pagkamatuud. Ang Dios amo ang hingpit nga kamatuuran. Wala Siya nagapamutig.

Siya nga nagpadala sa Akon matuud. (Juan 7:28)

Ang Dios isa sa kinaiya nga may madamong mga kinaugalian

Ang Iya pagkamahigugmaon walay katapusan, kag ang Iya pagkamatutum para sa tanang mga henerasyon. (Salmo 100:5)

Ang Dios amo ang Kasanag kag sa Iya wala gid sing kadudulman. (1 Juan 1:5)

Mas dako Siya nga ara sa inyo kay sa iya nga ara sa kalibutan. (1 Juan 4:4)

Ang laygay sang Ginoo nagapadayong maligon sa walay katubtuban, ang mga plano sang Iya tagiposoon para sa tanang henerasyon. (Salmo 33:11)

Matuutum Siya nga nagatawag sa inyo, kag Siya man magapahanabo sini. (1 Mga Taga-Tesalonica 5:24)

BAHIN 2

ANG KRISTOHANON SA SINI NGA TION

Ini amo ang imo oportunidad agud matuman ang katu-
yoan, pagbuut, kag plano sang Dios. Ang imo tinutuyo amo
ang magtubo sa espirituhanong pagkahamtong paagi sa
pagpabilin nga napun-an sang Balaan Espiritu kag nagato-
on kag nagagamit sang buhi nga Pulong sang Dios. Himoa
ini kag mahimaya mo ang Dios sa kinataasan.

Pakig-away sing maayong pag-away, mangin in-
teresado sa kinabuhi nga walay katapusan nga
sa diin ikaw gintawag kag mahimo nga isa ka
maayong saksi. (1 Timoteo 6:12)

Sanglit nga may nagapalibot sa aton nga ta-
ma ka dakong panganod sang mga saksi,
panghuklason ta ang tagsa ka sablag kag ang
sala nga nagahawid sing mahapos sa aton,
kag magdalagan kita nga may pagbatas sang
palumba nga ginbutang sa aton atubangan.
(Mga Hebreo 12:1)

Ginakalimtan yadtong mga butang nga tinalik-
dan kag ginalambot yadtong mga butang nga
ara sa unahan, nagapadayon ako sa lalambuton
tungud sa premyo sang pataas nga pagtawag
sang Dios sa kay Kristo Jesus. (Mga Taga-Filipos
3:13–14)

Pagkinabuhi sang kinabuhi nga may paghunahuna nahanungud sa eternidad

Ang pagkinabuhi sa Kristohanong kinabuhi isa ka proseso. **Madamo gid kaayo nga mga Kristohanon ang wala nakabinagbinag nga nagakinahanglan sila magtoon kon sa ano nga pamaagi tumanon ang protokol nga plano sang Dios para sa ila mga kinabuhi.** Ang protokol nagakahulugan nga ang tama nga butang nagakinahanglan himoon sa tama nga pamaagi. Amo ina kon ngaa ang pagtoon sang mga kinahanglangonong pundasyon importante gid kaayo.

Madamong Kristohanon ang nagasimba kag nagapabilin sa mataas nga pagkamabinatyagon, nagatoo nga nakasimba na gid sila. Indi amo sini ang pagtuman sa plano sang Dios. Ang mga balayagon normal sa kinabuhi. Wala gid sang sayup sa ila. Apang ang plano sang Dios nagapanghikot sa kon ano ang imo ginahunahuna (ang imo mentalidad) indi sa kon ano ang imo ginabatyag (ang imo mga balatyagon).

Hupti ninyo ini nga hunahuna nga ara man kay Kristo Jesus. (Mga Taga-Filipos 2:5)

Ini nga bersikulo wala nagasiling, “Hupti ninyo ini nga mga balatyagon.” Madamo ang nagasimba sa mga kasimbahan nga wala nagasangkap sang matuud nga panudlo sa Pulong sang Dios nakahibalo lamang kon paano magpanghikot paagi sa ila mga balatyagon. Ang mga balatyagon indi makasakdag sa imo. Ang mga balatyagon indi makabulig sa imo sa mga kalisdanan. Amo ini kon ngaa ang pagpauswag sang pagpanghunahuna sa divine nga palananawon kinahanglangon gid.

Ang mga daugan nagaangkon sang hunahuna ni Kristo kag nagatuman paagi sa panghunahuna indi sa balatyagon

Itakod ang Akon gota sa inyo kag magtoon sa Akon, kay Ako malolo kag mapainubuson sa tagiposoon, kag makakita kamo sing kapahuwayan para sa inyo mga kalag. Kay ang Akon gota mahulas kag ang Akon lulan mamag-an. (Mateo 11:29–30)

Ang ginasiling ni Jesu-Kristo sa inyo amo ang, “Magtugyan sa awtoridad sang Akon Pulong. Indi Ako magapangayo sing madamo sa inyo.” Ang pagpanghikot sang Kristohanong pamaagi sang pagkinabuhi nagakinahanglan sang pagbatas. Nagakinahanglan ini sing pagpabilin nga napunan sang Balaan Espiritu kag sa pagtugyan sa awtoridad sa Pulong sang Dios paagi sa pagtoon sini, nga nagatoo sini pinaagi sa pagtoo kag paggamit sini sa inyo kinabuhi.

Ang mando ni Jesu-Kristo amo ang *Toon sa Akon*

Daw ano ka bulahan ang tawo nga nagakahadlok sa Ginoo, nga nagakalipay sing dako sa lya mga sugo. (Salmo 112:1)

MAGPABILIN NGA NAPUN-AN SANG BALAAAN ESPIRITU

Karon nga nabaton mo na si Kristo subong imo Manluluwas, ano bala ang ginapaabot sang Dios sa imo?

Magtubo sa grasya kag ihibalo sang aton Ginoo kag Manluluwas nga si Jesu-Kristo. (2 Pedro 3:18)

Ang espirituhanong pagkahamtong amo ang lalambuton para sa tagsa ka Kristohanon

Ang paglambot sa espirituhanong pagkahamtong nagakinahanglan sang tatlo ka mga butang: magpabilin nga napunan sang Balaan Espiritu, magtoon sa idalum sang isa ka kwalipikado-gid nga pastor kag magmapinadayunon sa pagtoon kag paggamit sing Pulong sang Dios.

Ang Makasasala nga Kinaiya

Isa sa dalagko nga mga kabutigan sa pagka-Kristohanon karon nga panahon amo ang ideya nga ang mga Kristohanon wala nagapakasala.

Kon magsiling kita nga wala kita sing sala, ginayaan naton ang aton mga kaugalingon. (1 Juan 1:8)

Nakahibalo ka bala kon ngaa makasala ka? Ini tungud kay may ara ka makasasala nga kinaiya. Wala gid sing tion sa imo kinabuhi nga makasulud ka sa kon ano ang kasami nga gintawag perpektong pagkawalay sala. Bilang resulta sang espirituhanong pagtubo, talagsa ka na lang magtugyan sa mga pagsulay sang makasasala nga kinaiya, apang pirmi ka gid mahuyang sa pagpakasala.

Nabaton mo ang makasasala nga kiniya halin kay Adan. Sang natawo ka, natawo ka nga buhi sa lawas apang patay sa espiritu. Sa tion sang kaluwasan, ang Dios Balaan Espiritu nagaabot agud magpuyo sa imo. Ini nagahimo sang nagapadayon nga inaway tungud sang pagdumala sang imo mga panghunahuna sa tunga sang Balaan Espiritu kag sang makasasala nga kinaiya.

Ako nagasiling, magginawi paagi sa Espiritu, kag indi ninyo pagtumanon ang handum sang unud. Kay ang unud nagahimo sang handum sini batok sa Espiritu kag ang Espiritu batok sa unud; kay ini amo ang pagkontrahanay sa isa kag isa, agud nga indi ninyo paghimoon ang mga butang nga inyo ikahamuut. (Mga Taga-Galacia 5:16–17)

Indi ninyo pagpahari-a ang sala sa inyo lawas nga mamalatyon agud matuman ninyo ang mga kailigbon sini. (Mga Taga-Roma 6:12)

Ayhan nagahunahuna ikaw, sa ano bala nga pamaagi ko mapunggan ang akon makasasala nga kinaiya kag magpabilin sa pagdumala sang Balaan Espiritu sa akon kinabuhi? Maayo kaayo nga pamangkutanon!

Sa tapos ako nangin Kristohanon, sobra gid sa isa ka tuig bag-o ko man lang nahibal-an nga may ara gali ko sing

makasasala nga kinaiya kag dason nagkinahanglan nga matudloan ako sang solusyon. Ang makasasala nga kinaiya mangin kaupod mo tubtub magsaylo ka halin sa sini nga kinabuhi. Indi magmangin walay ihibalo nahanungud sini tungud kay si Satanas kag ang iya kalibutanong sistema magagamit sang makasasala nga kinaiya agud patalangan kag gamuhon ka kag buyukon ka sa tawhanong palanan-awon nga paghunahuna kag pagpakasala.

Pagdumala sang Sala — Panumbalik

Ginkilala ko ang akon sala sa Imo kag ang akon kalautan wala ko gintago; Ginsiling ko, 'Ituad ko ang akon mga kasal-anan sa Ginoo' kag ginpatawad Mo ang kalautan sang akon sala. (Salmo 32:5)

May ara duha ka mga punto nga maton-an sa sining Balaan nga Kasulatan. **Una, indi gid magtilawtilaw nga tagoon ang imo sala sa Dios. Ikaduha, akoa dayon ang imo sala didto sa Dios.** Sa gilayon nga nahibaloan mo nga nakasala ka, ngalani ini didto sa Dios.

Kon makahimo kita sang sala sa aton mga kinabuhi, kasami nga makonsensya kita. Natural lamang ang magbat-yag sing kahuya. Apang ang pinakamalaing butang nga himoon amo ang magtilaw sa pagtago sang sala sa Dios. Ayhan puwede ka makatago sini sa yadtong imo hinigugma apang indi sa Dios.

Si Jesus nagtudlo kay Pedro sing matahum kaayo nga leksyon sang Siya nagsiling, "Pedro, nakahibalo Ako nga magpakasala ikaw. Nakahibalo Ako nga ipanghiwala mo Ako sa makatatlo ka beses. Pagatudloan Ko ikaw sang makatilingala nga leksyon nga bisan pa sang imo sala ginahigugma Ko ikaw kag patawaron Ko ikaw." Ini makit-an sa Juan 13.

Kapareho kay Pedro, may gawi kita sa pagkibot sang aton mga kaugalingon. Kon kaisa ginahimo naton kon ano ang ginahunahuna naton nga indi naton masarangan himoon. Ang Dios indi gid makibot. Akoa ang inyo sala sa Dios nga Amay. Amo ini ang kasangkapan sa grasya sang Dios agud madumalahan ninyo ang inyo sala:

Panumbalik

Ang #1 nga galamiton sang Dios sa pagsulbar-sang Palaligban

Kon ituad ta ang aton mga sala, matutum kag matarong Siya sa pagpatawad sa aton sang aton mga sala kag magatinlo sa aton sa tanan nga pagkadimatarong. (1 Juan 1:9)

Sang nahibaloan mo nga nakahimo ka sang sala, ituad dayon ini, ngalani ini sa Dios pinaagi sa mahipos nga pangamuyo. Isa ka butang nga pareho sini, **“Langit-nong Amay, ginangalanan ko ang akon sala sa pagkamataastaason. Salamat sa Imo kapatawaran. Ako nagapangamuyo sa ngalan ni Kristo, Amen.”**

Ang mga saad sang Dios, *“Kon ituad ta ang aton [nahibaloan] mga sala, matutum kag matarong Siya sa pagpatawad sa aton sang aton mga sala kag magatinlo sa aton sa tanan nga pagkadimatarong [nahibaloan, wala nahibaloan kag nalipatan nga mga sala]”* (1 Juan 1:9)

Ang sala nagasugod sa panghunahuna kag nagahulag pakadto sa imo kabubut-on sa diin ikaw nagahimo sang desisyon. Luyag ko bala himoon ini, Huo, ukon dapat ko bala sundon kon ano ang ginasiling sa Pulong sang Dios kag magsiling sang Indi. Sa makaisa nga ginpili mo ang Huo kag ginabuhat mo ini, nakasala ka.

Ang inyo mga kalautan nagpahamulag sa tunga ninyo kag sa inyo Dios, kag ang inyo mga sala naglipod sang Iya nawong sa inyo agud nga indi Siya makabati. (Isaias 59:2)

May ara tatlo ka mga kategorya sang sala:

Mga sala sa panghunahuna — ang mga sala nga aton ginahunahuna, subong sang kaakig, pagkamataastaason, aligutgot, pagkahakaban, kahikaw, kahadlok, pagkakonsensya, pagdumot, kawalay kalooy, sobra nga kompetisyon, kaimon, paghukum, malain nga handum, pagpakighilawas sa hunahuna sa indi bana ukon asawa, kahambugan, pagkanalikupan-sang kaugalingon, pagkalooy-sa kaugalingon, pagpakamatarong-sa kaugalingon, pagkamabaluson, pagkabalaka.

Mga sala sa dila — ang mga sala nga aton ginasiling, subong sang pagpangdaugdaog, pagpanaway, pagpanghimaut, pagpangdaya, pagtsismis, masakit nga paghambal, pagpanghukum, pagpamutig, pagpangguba sing dungog sa negatibong pahayag, pagpamalos, pagpangguba sing dungog sa dimatuud nga pahayag kag mainiton nga mga pagkaalabuton.

Hayag nga mga sala — ang mga butang nga ginahimo naton, subong sang pag-abuso, pagka-adik, pagpamatok sa awtoridad ukon balaod, krimen, pagpangguba sang pagkabutang, pagkapalahubog, tuyo nga pagpatay, pornograpiya, pagpangawat, pagpakamatay, kag pagkamakahas.

Ini nga mga lista sang mga sala wala nagasakup sang tanan. Gusto ko lamang maghatag sa imo sang ideya sang mga butang nga ginakilala sang Dios subong mga sala. Ini

tanang makit-an sa Bibliya. Kon ituad mo ang imo sala, ang Dios indi madismaya. Nakahibalo Siya sadtong nagligad pa nga eternidad kon ano ang imo pagahimoon. Ang Dios nagahatag sa imo sing pagsangkap sang grasya #1 nga galamiton sa pagsulbar-sang palaligban ang Panumbalik agud nga makabalik ka sa pagdumala sang Balaan Espiritu sa imo kinabuhi. Kon imo akoon ang imo sala didto sa Dios, matutum kag matarong Siya sa pagpatawad sa imo, sa kada tion.

Ako, Ako gid amo Siya nga nagapanas sang imo mga kasal-anan tungud sa Akon; kag indi na Ako magadumdum sang imo mga sala. (Isaias 43:25)

Usisaa sing kadali ang sala sa imo kinabuhi

Ang kasangkapan sa grasya sang Dios, subong sang ginsaad sa 1 Juan 1:9, nagasulbar sang pagkatiplang nahanungud sang kinaugalingong sala. Ang akrostik nga NICE [MANAMI] sarang magpahinumdom sa imo sing proseso sang Dios para sa pagdumala sang imo kinaugalingong sala.

N — Name It [Ngalani Ini]. Ngalani ang imo sala sa Dios nga Amay sa mahipos nga pagpangamuyo. Madamo nga mga katawhan ang nagasiling, “Wala ako nakabatyag sing malain nahanungud sini, gani paano bala nakon ituad ini kag mapatawad?” Ang pagtuad wala gid sing bisan anong mahimo sa kon ano man ang imo ginabatyag. Sa baylo, amo ini ang pag-ako.

Gin-ako ko ang akon sala sa Imo kag ang akon kalautan wala ko gintago; ako nagsiling, ‘Ituad ko ang akon mga kasal-anan sa Ginoo’ kag ginpatawad Mo ang kalautan sang akon mga sala. (Salmo 32:5)

I — Isolate It [Ipain Ini]. Indi pagtugoti ang isa ka sala nga maglapnag pa sa iban. Indi magmangin nagakinadinang makasasala.

Tatapa nga wala sing bisan isa ang makulangan sing grasya sang Dios; agud nga walay gamut sang aligutgot ang mag-ulhot nga makapatublag, kag tungud sini madamo ang madagtaan. (Mga Hebreo 12:15)

C — Clear your Conscience [Tinloi ang Imo Konsyensya]. Lipati ang sala. Indi makonsyensya. Indi magsaad sa Dios nga indi mo na gid himoon ini liwat. Basi liwaton mo pa.

Isa ka butang ang akon ginahimo, ginalipatan yadtong mga butang nga tinalikdan kag naga-himulat sa yadtong mga butang nga ara sa unahan. (Mga Taga-Filipos 3:13)

E — Execute [Tumana]. Magpadayon sa pagtuman sang imo espirituhanong kinabuhi. Kon wala ka nagauswag, nagaisol ka.


Nagapadayon ako pakadto sa lalambuton para sa premyo sang pataas nga pagtawag sang Dios paagi kay Kristo Jesus. (Mga Taga-Filipos 3:14)

Ang grasya nga kasangkapan sang Dios para sa aton agud magdumala sang kinaugalingong sala amo ang NICE. Sa pagkamatuud tumalagsahon gid kaayo ini!

Ang Pagpuno sang Balaan Espiritu

Sang nagatoo ka kay Jesu-Kristo, ang Balaan Espiritu nagabutang sa imo sa paghiusa kay Kristo kag nagapakig-ambit ka sa madangatan ni Kristo. Permanente nga ara ka sa pamilya sang Dios. Ang kabahin sa buluhaton sing pagpangalagad sang Balaan Espiritu amo ang pagsenten-sya sa imo sang imo kinaugalingong sala. Kon makasala ka, mautod ang imo pagpakig-upod sa Dios kag ara ka sa pagkaunudnon. Wala ka na napun-an sang Balaan Espiritu. Nagapadumala ka makasasala nga kinaiya.

Agud mabuligan ka nga mahangpan kag mahinumduman ini, tugoti ako nga maggamit sang ilustrasyon nga gintudlo sang akon pastor, R. B. Thieme, Jr.



Subong isa ka Kristohanon, ang permanenteng **relasyon** mo sa Dios ginpakita diri sini subong ang sa ibabaw nga bilog. Indi ka makagowa sa ibabaw nga bilog. May ara ka sing kasigurohan sa walay katapusan.

Ang imo relasyon sa Dios permanente

Ang sa idalum nga bilog nagarepresenta sang imo **pagpakig-upod** sa Dios. Magasulud kag magagowa ka sa pagpakig-upod sa bug-os mo nga kinabuhi. Kon ara ka sa pagpakig-upod, sa idalum nga bilog, napun-an kag nadumalahan ka sang Balaan Espiritu. **Ang pagpuno sang Balaan Espiritu amo ang #2 nga galamiton sang Dios sa pagsulbar-sang palaligban.**

Kon pilion mo ang magpakasala, ginautod mo ang pagpakig-upod sa Dios kag dason ang imo panghunahuna gindumalahan sang imo makasasala nga kinaiya. Amo ini ang pagkaunudnon. Wala ka na napun-an sang Balaan Espiritu kag gani nakagowa sa idalum nga bilog.

Ang paggamit sang Panumbalik nagatugot sa Balaan Espiritu sa pagtinlo sa imo sang imo sala, nagapabalik sang pagpuno sang Balaan Espiritu kag pabalikon ka sa pagpakig-upod sa Dios. Karon nakabalik ka na sa idalum nga bilog, upod sa pagdumala sang Balaan Espiritu.

**Ang pagpakig-upod sa Dios hingpit
Sa bisan anong tion sang oras ara ka
sa bisan diin sa duha nadumalahan sang
Balaan Espiritu ukon nadumalahan
sang makasasala nga kinaiya**

Hunahunaa ini sa sini nga pamaagi. Ara ka sa kuwarta nga wala gid sing mga bintana. Nagapakasala ka, nga nagapatay sang kuryente kag karon ara ka sa tuman nga kadulum. Ikaw ini nga ara sa gowa sang pagpakig-upod sa Dios kag ara sa idalum sang pagdumala sang imo makasasala nga kinaiya. Kon Magpanumbalik ka, ang kuryente kag ang mga suga magsanag. Ini amo ikaw nga nakabalik sa pagpakig-upod sa Dios kag nagamhan sang Balaan Espiritu.

Agud nga ang Dios magagarantiya sa imo nga mangin makusog pinaagi sa Balaan Espiritu. (Mga Taga-Efeso 3:16)

Ang Manugbulig, ang Balaan Espiritu, nga ipadala sang Amay sa Akon ngalan, magatudlo Siya sa inyo sang tanan nga mga butang kag magapahanumdum sa inyo sang tanan nga ginsiling Ko sa inyo. (Juan 14:26)

Ari ang punto. Indi ka makatoon sang espirituhanong mga bagay kag indi ka magtubo sa espirituhanong pagkahamtong kon ang Balaan Espiritu indi magtudlo sa imo. Ginakinahanglan ang Balaan Espiritu magdumala sa imo kinabuhi agud magtudlo sa imo, agud magtuytuy sa imo, agud magprotekta sa imo kag magpahinumdom sang mga palatukuran nga may kaangtanan sa Pulong sang Dios para magamit mo.

Magpabilin nga napun-an sang Balaan Espiritu

Divine nga Disiplina

Kon makasala ka kag wala ginatuad ini, ginapalong kag ginapasubo mo ang Balaan Espiritu. Ang pagpalong sang Balaan Espiritu nagakahulugan nga ginapunggan ang Iya gahum. Kapareho ini sang pagkuha sang hos sa hardin kag ginapilo ini agud nga indi maggowa ang tubig. Wala ka na sing gahum sang Balaan Espiritu nga magsakdag sa imo espirituhanong kinabuhi kag magtuytuy sa imo. Nagpasakup ka sa pagdumala sang imo kinabuhi kag mga panghuna-huna sa imo makasasala nga kinaiya. Nagapasubo ini sa Balaan Espiritu.

Talupangda ining duha ka mga negatibong mga mando sa Bibliya:

Indi pagpalonga ang Balaan Espiritu. (1 Mga Taga-Tesalonica 5:19)

Indi pagpasub-a ang Balaan Espiritu nga kon kay sin-o kamo naselyohan sa adlaw sang pagtubos. (Mga Taga-Efeso 4:30)

Ang pagpabilin sa gowa sang pagpakig-upod amo ang gintawag nga ginpalawig nga pagkaunudnon kag magaresulta sang divine nga disiplina. Ayhan nagdesisyon ka nga wala ka nagakinahanglan sang pagpakig-upod sa Dios kag sa labaw sa natural nga gahum sang Balaan Espiritu kag nagapaburhot ka sa Akon Pamaagi ukon Desisyon ang Masunod pakadto sa kaugalingong-pagkawasak.

Magbantay! Nagapaabot ka sang divine nga disiplina subong anak sang Dios

Kay yadtong ginahigugma sang Ginoo ginadisiplina Niya kag ginahampak Niya ang tagsa ka anak nga Iya ginabaton. Kay tungud ini sa disiplina nga magbatas kamo; ang Dios nagapatigayon sa inyo subong mga anak; kay sin-o bala ang anak nga wala ginadisiplina sang iya amay? (Mga Hebreo 12:6–7)

Ang divine nga disiplina nagahalin sa pagkamatinudanon sang Dios kag ginapatuman kaupod ang amo man nga divine nga gugma subong man sang Iya divine nga pakamaayo. Ginadisiplina ka sang Dios agud makuha ang

imo bug-os nga pagtalupangud, agud tadtadlungon ka kag pabalikon ka sa pagpaupyon sa Iya plano. Ginahigugma ka sang Dios. Gusto Niya ang pinakamaayo lang gid para sa imo.

Yadtong mga ginahigugma Ko ginasaway Ko kag ginadisiplina; gani padayon nga magma-himulaton [*paagi sa gugma sang Dios*]. (Bugna 3:19)

Ang divine nga disiplina nagaabot sa tatlo ka mga bahin:

Paandam nga Disiplina. Ang Dios nagapaandam sa imo sang isa ka butang nga makakuha sang imo pagtalupangud, nagapaalerto sa imo sa kinahanglanon nga makabalik sa pagpakig-upod nga napun-an sang Balaan Espiritu. Ang paandam ayhan maghalin sa imo pastor, sa imo bana ukon asawa ukon sa pagtoon sang Bibliya. Makabati ka sang impormasyon halin sa Balaan nga Kasulatan nga ginagamit sang Dios agud ipadala sa imo ang simple kaayo nga mensahe. Ini kasami nga may tingog sang isa ka butang nga kaangay sini, “Untati! Untati kon ano man ang imo ginahimo. Ara ka sa sayup nga dalanon. Magaguba ini sa imo.” Karon may ara ka na sing pagpili nga pagahimoon. Ang positibo nga kabubut-on magasabat sang “Huo” kag mag-untat. Ang negatibo nga kabubut-on nagareklamo sing “Indi” kag nagapabilin nga nagahimo sang mga butang sa imo pamaagi. Kon indi ka magpamati sa paandam nga disiplina, hulat na lang sa grabe nga disiplina.

Indi pag-ibaliwala ang disiplina sang Ginoo ukon mapunaw kon ginasaway ka. (Mga Hebreo 12:5)

Grabe nga disiplina. Ginapagrabe sang Dios ang pagpaandam. Amo ini ang Iya pamaagi sa pagdala sa imo sa pribadong pagsilot. Ang Dios magadisiplina sa imo sa pamaagi nga masakit gid agud makuha ang imo bug-os nga pagtalupangud. Ipakilala Niya ang pasakit sa imo kinabuhi, lawasnon kag sa balatyagon, para makabugtaw ka sa wala mo pa maguba ang imo kaugalingon. Halimbawa, kon magpakig-ambit ka sa komunyon nga may ara sing wala natuad nga sala sa imo kinabuhi pagadisiplinahon ka. Kon nagapadayon ka sa paghimo sini, ang disiplina mangin mabudlay gid.

Tugoti ang tawo nga mag-usisa sang iya kaugalingon sa wala pa siya nagakaon sang tinapay kag nagainum sa kopa. Kay ang nagakaon kag nagainum sa ditakus nga pamaagi nagakaon kag nagainum sang paghukum sa iya kaugalingon kon wala siya maghukum sang lawas sa tama. Tungud sini nga kabangdanan mada-mo ang maluya kag masakiton sa inyo, kag ang iban sa inyo nagkalamatay. Pero kon pagahukman naton ang aton mga kaugalingon, indi kita pagahukman. (1 Mga Taga-Corinto 11:28–31)

Disiplina para sa tagumatayon. Ang Dios nagakuha sang Kristohanon sa sini nga kinabuhi. Amo ini ang kinatapusang bahin sang divine nga disiplina. Ang tawo nagabaton sang disiplina para sa tagumatayon subong resulta sang pagkamataastaason sa Dios, wala nagasapak sa disiplina sang Dios kag nagarebelde sa Dios. Niyan ang Dios nagasiling, “OK, amo ina; magtaliwan ka na sa kinabuhi sa sini nga tinion.” Ang Kristohanon magakadto sa langit, apang ang iya tinion sa sini nga kalibutan mapanubo. Ang disiplina

para sa tagumatayon ginatawag man nga pagpakasala tub-tub sa kamatayon.

Masakit nga silot amo ang para sa iya nga nagasikway sang dalanon; siya nga nagadumot sang pagsaway mapatay. (Mga Hulubaton 15:10)

Ginadisiplina ka sang Dios kon indi ka maggamit sang divine nga solusyon sang 1 Juan 1:9, ang #1 nga galamiton sa pagsulbar-sang palaligban ang Panumbalik. Akoa kag ngalanan ang imo sala didto sa Dios kag ibalik ka sa pag-pakig-upod kag makabalik liwat sa plano sang Dios.

Magpaubus sang inyo mga kaugalingon sa idalum sang gamhanan nga kamut sang Dios agud nga bayawon Niya kamo sa nagakaigo nga tinion. (1 Pedro 5:6)

Ari ang pagpapagsik:

**Tubtub nga buhi ka
Indi pa gid ulihi agud makabawi**

TON-I ANG PULONG SANG DIOS

Ang Bibliya, Pulong sang Dios, amo ang iban pa nga pinasahi nga kamanggaran nga imo ginakinahanglan agud magkinabuhi sang Kristohanong pamaagi sang pagkinabuhi. Magtubo ka sa espirituhanong pagkahamtong pinaagi sa pagpabilin nga napun-an sang Balaan Espiritu kag naga-toon sing Pulong sang Dios sa idalum sang buluhaton sing pagpangalagad sang isa ka kwalipikadong pastor. Ang Dios nagahambal sa imo pinaagi sa Iya Pulong. Kon gusto mo mangin malapit sa Dios, pamati sa Jeremias 29:13:

***Pangitaon ninyo Ako kag makit-an Ako
kon halughugon ninyo Ako sa bug-os ninyo
nga tagiposoon***

Ini amo ang positibo nga kabubut-on. Ini amo ang pag-kagutum sa pagkahibalo sing Pulong sang Dios kag kon ano ang gintigana Niya para sa imo. Gusto mo bala mahibal-an ang Iya paggiya kag ang Iya pagbuut para sa imo? Niyan himoa ang pagtoon sang Bibliya nga isa ka adlaw-adlaw nga kinabatasan. Ang Bibliya amo ang hunahuna ni Kristo. Ang Pulong sang Dios amo ang hingpit nga kamatuuran kag pagpapagsik. Ang tanan nga ara sa Bibliya gininhawa sang Dios tungud sa isa ka rason.

Magtoon agud ipakita ang imo kaugalingon nga aprobado sa Dios, ang manugpangabudlay nga wala nagakinahanglan magkahuya, nga nagatudlo sing tama sang pulong sang kamatuuran. (2 Timoteo 2:15)

Kon ang Pulong sang Dios puwede matudlo sing tama, puwede man ini matudlo sing sayup pinaagi sa disakto nga pagpanudlo. Nagakinahanglan ka sing paghangup sang opinyon kag kahulugan sang Balaan nga Kasulatan, kon ano bala ang ginasiling sang Dios sa imo. Sa lain nga mga pamulong, nagakinahanglan ka sang pagbadbad kag sang aplikasyon. Ang Balaan Espiritu nagahatag sa imo sang opinyon sang Balaan nga Kasulatan pinaagi sa pagpanudlo sang pastor nga nagahatag sa imo sang kahulugan kag sang aplikasyon.

Kay para sa aton ginpahayag sila sang Dios pinaagi sa Balaan Espiritu. (1 Mga Taga-Corinto 2:10)

Ginbasa nila sa libro sing kasugoan sang Dios, nga ginabadbad agud makahatag sing opinyon agud nga mahangpan nila ang ginabasa. (Nehe-mias 8:8)

Siguraduha gid nga nagatoon ka sa idalum sang isa ka pastor nga nakahibalo sing Pulong sang Dios kag nagatudlo sini sang eksakto. Kondi, magut-man ka sa pagkaespirituhanon. Ang trabaho sang pastor amo ang pagpakaon sa imo sang kompletong putahe nga pagkaon, indi mga pampagana lamang. Ang pagtoon sing Pulong sang Dios amo ang kaangay sang pagpanghalughog sing manggad kag ang papel sang pastor amo ang pagsayasat sa kon diin kag ano nga mga manggad. Ang plano sang Dios masangkad para sa imo kinabuhi. Indi pag-isipa nga mahangpan mo ini dayon.

**Ang pagtubo sa espirituhanong pagkahamtong
nagakinahanglan sing mapinadayunon nga
pagtoon sing Pulong sang Dios,
sa adlaw-adlaw nga basihanan
Himoa ini nga kinabatasan**

Ang Ordinaryong Kristohanon

Madamong mga Kristohanon ang akon gintawag nga ordinaryo. Gusto nila ang manugwali magpauyon-uyon sa ila, indi sila pagsapakon, kag sa nabilin nga tinion pabay-an lang sila. Gusto nila sing diyutay nga inspirasyon kon sila mag-simba apang indi man gid kaayo. Amo ina ang ginatawag ko nga nagatango-tango-sa Dios nga kadam-an nga nagapakita sa simbahan, ayhan nagakanta sa koro, nagatudlo sa Sunday school, nagahatag sang kuwarta, apang ini tanan amo ang pagpaninguha sa pagpadayaw-dayaw sa Dios. Dason sa makaisa nga ang simba tapos na, padayon naman sila sa ila mga kinabuhi. “Kumusta Dios. Baybay Dios. Magkitaay naman ta sunud semana Dios.” Dason may pangbakasyon nga mga Kristohanon. Makit-an mo lamang sila sa simbahan sa tion sang Paskwa sang Pagkabanhaw kag Pasko.

Ari ang listahan sang pila ka mga wala nakapanghikot sing husto sa espirituhanong kinabuhi nga kasami ara sa mga Kristohanon. Gusto ko sila puntiryahon para sa pag-talupangud samtang ginausisa mo ang imo kinabuhi sa palanan-awon sang kon ano ang ginatudlo sing Pulong sang Dios.

Tilawi ninyo ang inyo mga kaugalingon kon ara kamo sa pagtoo; usisaa ang inyo mga kaugalingon. (2 Mga Taga-Corinto 13:5)

Mga Wala Nakapanghikot sing Husto sa Espirituhanong Kinabuhi.

Ang paghatag sing importansya sa mga relasyon sa katawhan kag sa mga butang labaw pa sa relasyon sa Dios.

Ang kapaslawan sa pagtuad sang sala kag gani naghinuyang sing malawig nga tinion sa pagkaunudhon kay sa napun-an sang Dios Balaan Espiritu.

Ang pagpaninguha sa pagtuman sang protokol nga plano sang Dios pinaagi sa tawhanong gahum kag tawhanong kakusog imbis sang pinaagi sa labaw pa sa natural nga divine nga palaagihan nga ginasangkap sang Dios.

Ang pagtilaw-tilaw sa pagkinabuhi sang espirituhanong kinabuhi sa imo nga pamaagi imbis sang pamaagi sang Dios, ang protokol nga plano sang Dios.

Ang kapaslawan sa pagtoon kag paggamit sing pinasahi nga mga galamiton sang Dios sa pagsulbar-sang palaligban.

Ang kakulang sang pagpaubus nga ginakinahanglan para sa pagkamatudloan kag ang wala paghangup sang mga pagsiud sang pagkamataastaason.

Ang pagkawalay ihibalo sa pangunang Bibliyanhong mga palatukuran.

Ang pagtilaw-tilaw sa pagtudlo sang imo kaugalingon sang espirituhanong pagkahamtong, imbis sang pagtoon sa idalum sang buluhaton sing pagpangalagad sang kwalipikado gid kaayo nga pastor.

Ang kapaslawan sa pagkilala kag pagtugyan sa awtoridad sang Pulong sang Dios, ang Bibliya.

Ang pagtilaw-tilaw nga mangin malipayon pinaagi sa katawhan ukon mga kahitaboan imbis sa *“Kalipay nga iya sa yadtong nagapamati sing Pulong sang Akon Amay kag nagatuman sini”* (Lucas 11:28).

Ang kapaslawan sa pagtuman sang protokol nga plano sang Dios ang numero uno nga ulunahon sa imo kinabuhi.

Ang Divine nga mga Institusyon

Ang seryosong harambalan sa America amo ang pag-kamatuud nga ginbayaan naton ang aton unang hinigugma. Nagtalikod kita sa Dios kag ginasikway ang Iya divine nga katukurang mga balaod. Ang Dios nagpatukod sang apat ka divine nga mga institusyon para sa mahan-ay nga pagpanghikot sang isa ka pungsod:

Ang Kada Isa. Ang Dios nagahatag sa imo sing kabubuton, ang kahilwayan sa pagpili. *Ano bala ang imo ginaisip nahanungud kay Kristo?* (Mateo 22:42).

Pag-asawahay. May paglalisanay nahanungud sini sa karon nga panahon apang ginaklaro gid sang Dios nga ang pag-asawahay amo ang pagpangasawa ukon pagpamana sa tunga sang isa ka lalaki kag isa ka babayi (1 Mga Taga-Corinto 7:2). Ang pag-asawahay amo ang basihan para sa kalig-onan sa katilingban.

Pamilya. Ang Dios nagpasad sang pamilya subong ang nahiusa nga bahin sang mga ginikanan sa pagpadako kag paghanas sang ila mga kabataan sa sulud sang pro-

tektadong palibot (Exodo 20:12).

Pagkapungsudnon. Ang Dios nagdisenyo sing pung-sudnong mga linalang agud magprotekta sang katawhan sa pagkawasak sa isa ka-kalibutan nga estado. Ang pagkapungsudnon nagapamugong sing makasasala nga kinaiya sang tawo pinaagi sa balaod sang kasugoan (Genesis 10:5, 11:8).

Ara kita sa idalum sang divine nga disiplina subong isa ka pungsod tungud kay ginasikway naton ang Dios kag ang Iya divine nga mga institusyon. Ginatugotan naton ang sistema sang kalautan ni Satanas kag ang tawhanong kaayo nga mag-uswag. Kon ano man sa makaisa ang maayo sa karon malaut na kag kon ano man sa makaisa ang nangin malaut sa karon maayo na.

Kamo amo ang sabat, indi pinaagi sa politika ukon paagi sa pagkamanugkampanya, kondi pinaagi sa pagtubo pakadto sa espirituhanong pagkahamtong kag ang pagkamangin isa ka dimakit-an nga bagani. Ang Bibliya nagasiling:

Kon ang Akon katawhan nga ginatawag sa Akon ngalan magapaubus sang ila mga kaugalingon, nagapangamuyo, nagapangita sang Akon nawong kag nagatalikod sa ila malaut nga mga pagginawi, magapamati Ako sa ila kag papalingkawason sila. (2 Mga Cronica 7:14)

Walay palaktud sa pagtoon sing Pulong sang Dios

Ang Pamaagi sang Pagtoon

Ang espirituhanong pagtubo nagakinahanglan sang di-

siplina-sa kaugalingon kag sang kinabubut-ong adlaw-adlaw nga pagtoon sing Pulong sang Dios nga may pagpuno sang Balaan Espiritu kag sa idalum sang buluhaton sing pagpangalagad sang kwalipikado-gid kaayo nga pastor. Ang Dios nagahatag sa imo sing kabubut-on, ang kahilwayan sa pagpili. Ginakinahanglan magdesisyon ka nga mangin estudyante sing Pulong sang Dios kag maninguha sa pagpadayon gid sini. Kon ginagutum ka sa paghangup sa nakilala mo nga Dios, amo ini ang mga kinahanglanon:

Bibliya. Ang Bibliya amo ang imo libro sang estratehiya halin sa Dios. Sang nakasulud ako sa Unibersidad sang Alabama subong ang unang tuig nga manughampang sang football, ginhatagan ako sang libro sang estratehiya kag ginsingangan, “Ton-i ini nga mga hampang.” Ginakinahanglan mo maton-an ang mga hampang para sa pagtuman sing plano sang Dios kag ang mga hampang makit-an sa Bibliya. Ang Bibliya indi nobela. Ini amo ang libro tolong-an nga gindisenyo agud itudlo sa imo sang pastor. Ang Bibliya indi ang koleksyon sang mga estorya. Ini amo ang divine nga gininhawa. Ang Bibliya amo ang wala nagakasayup nga Pulong sang Dios.

Ang langit kag kalibutan magataliwan, apang ang Akon mga pulong magapabilin sa walay katubtuban. (Mateo 24:35)

Kuwarderno, Computer, Tablet. Pangita sing pamaagi nga makasulat. Makapamati ka sa imo pastor sa malawig nga inoras apang makapabilin sang mas magamay pa sa lima ka porsyento sang imo nabatian. Ginapapagsik ko ikaw nga magsulat kag repasuhon sila pirmi. Ini makapauswag gid kaayo sa kon ano gid ka damo ang imo nahinumduman.

Pastor-Manunudlo. Pangita sang kwalipikadong pastor-manunudlo nga preparado-gid kaayo kag luyag magtudlo sa imo sing Pulong sang Dios nga mapinadayunon gid sa duug nga sa diin makatoon ka sing walay sabad. Kon ang imo pastor wala nagatudlo sing Pulong sang Dios, indi pagtilaw nga tadlungon siya; indi na imo trabaho. Magbiya sa sina nga simbahan sing mahipos lamang kag mangita sang bag-o nga pastor.

Kon nagaisip ka nga, “wala ko nakahibalo kon sa diin ko magpangita sang maayo nga pastor,” dal-a ang imo pangabay didto sa Dios pinaagi sa pangamuyo. Ang Dios may gintigana nga pastor para sa imo kag pagatuytuyan ka Niya sa iya. Ginakinahanglan ko mangita sang akon pastor kag makakita ka sang imo gid.

Amo ini ang pagsalig naton sa Iya atubangan,
nga, kon mangayo kita sing bisan anong butang
suno sa Iya pagbuut, nagapamati Siya sa aton.
(1 Juan 5:14)

Ang isa ka palaligban sa karon nga panahon amo nga may madamo gid kaayo nga mga manugwali-nga mga manugpalingaw kag wala sing nagakaigo nga pastor-mga manunudlo. May ara kita mga kasimbahanan kag mga manugwali sa kada pusod, lakip ang bisan diin nga sosyal medya, apang may magamay lang gid kaayo nga Bibliyanhong masaligan nga mga pastor. Ari ang ideya – kon ang inyo kanta sa pagsimba malawig kay sa pagpanudlo, natonto ka. Madamong mga pagsimba ang puno sang ritwal nga may magamay kaayo nga reyalidad. Ini nagaresulta sa madamong ordinaryong mga Kristohanon apang magamay lang ang nagaabante sa pagkaespirituhanon kag nakahangup sa plano sang Dios para sa ila mga kinabuhi.

Ebangelista ako. Indi ako pastor. Amo ini ang impor-

tanteng dipagkapareho tungud kay may limitasyon ako. **Gi-nakinahanglan mangita ka sang masaligan nga pastor-manunudlo kag magtoon sa idalum sang iya awtoridad kag pagpanudlo. Kon gusto mo man gid makalambot sa espirituhanong pagkahamtong, amo ina ang pamaagi sa paghimo sini.** Ang akon trabaho amo ang pagpahayag sang ebanghelyo, magtudlo sang eksaktong Bibliyanhong mga palatukuran, magpapagsik sa imo kag magtudlo sa imo sa direksyon sang isa ka kwalipikado-gid kaayo nga pastor.

Magtoon. Bug-osa ang kaisipan kon makabati ka sang pagpanudlo nahanungud sa Pulong sang Dios. Repasoha pirmi ang imo mga nasulat agud makabulig sa pagmetabolisar sang impormasyon dira sa imo hunahuna. Isipa ang proseso nga subong ka pareho sa pag-usap sang pagkaon. Kon nagakaon ka sang steak, wala ini sing mahimo nga maayo sa imo tuhtub magbaylo ini sa enerhiya. Ini kapareho nga butang sa Pulong sang Dios. Nagakinahanglan ini mametabolisar sa imo kalag agud nga ini mangin handa para sa paghinumdum kag sa aplikasyon. Indi ko makahatag sing mabug-at pa gid nga pagpatalupangud. **Indi ka makatoon sang bisan anong butang nga espirituhanon kon wala ang pagpuno sang Balaan Espiritu.** Kon may ara ka sing wala natuad nga sala sa imo kinabuhi, ang pagtoon walay pulus.

Aplikasyon. Himoa ang imo naton-an nga magtrabaho sa imo kinabuhi. Ining pang-ulihi nga tikang ginatawag nga ang paggamit sing Pulong sang Dios nga imo naton-an, ang doktrina sang Bibliya. Himoa ang pagpaanad sini.

Pagkaespirituhanon kag Pagkahamtong

Ang pagtubo sa espirituhanong pagkahamtong, nga sa

diin amo ang imo tinutuyo subong isa ka Kristohanon, labaw pa kay sa napun-an lamang sang Balaan Espiritu. Lanta-won ta ang dipagkapareho sa tunga sang pagkaespirituhanon kag pagkahamtong. Ang isa hingpit kag ang isa proseso.

Ang pagkaespirituhanon amo ang pagka-nangin napun-an sang Balaan Espiritu Hingpit gid ini

Sa bisan anong gintalana nga tion puwede nga ikaw ara sa bisan diin sa sining pagkaespirituhanon kag pagkaunud-non. Indi magduhaduha sa pagdesisyon. Ara ka sa bisan diin sa sining pagdumala sang Balaan Espiritu ukon sa pagdumala sang imo makasasala nga kinaiya.

Ang pagkahamtong indi hingpit tungud kay ini nasuno sa unod sang Pulong sang Dios nga imo naton-an kag nabodega sa imo kalag. Ang pagtubo, sa nagahamtong subong isa ka Kristohanon, amo ang isa ka proseso sang pagtoon kag paggamit sing Pulong sang Dios pinaagi sa buluhaton sing pagpangalagad sang Balaan Espiritu.

Sa nagadamo pa gid ang Pulong sang Dios nga imo maton-an kag magamit sa gilayon nga malambot mo ang espirituhanong pagkahamtong

May klarong dipagkapareho nga diperensya sa tunga sang pagkaespirituhanong Kristohanon kag sa pagkaespirituhanong hamtong nga Kristohanon. Halimbawa, nakabati ka bala nahanungud kay Billy Graham, ang dungganong ebanghelista? Ayhan makapakibot ini sa imo, si Billy Graham wala nangin ang bisan sin-o nga labaw pa ka espirituhanon kay sa imo. Ngaa man? Tungud kay ara sa aton ang amo man nga Balaan Espiritu. Wala siya nangin labaw pa ka

espirituhanon kay sa imo kag ikaw wala nangin labaw pa ka espirituhanon kay sa iya, tungud kay kamo nga duha parehong napun-an sang amo man nga Balaan Espiritu.

Apang ano gali ang nahanungud sa pagkahamtong? Huo, may ara sing mga diperensya sa tunga sang mga Kristohanon tungud kay ang espirituhanong pagkahamtong may kaangtanan sa kadamoon sang Pulong sang Dios nga naton-an, nametabolisar, kag sa karon nakahanda para sa paghinumdum, nga pagagamiton kon ginakinahanglan. Sa nagadamo pa gid ang Pulong sang Dios nga imo nahibal-an kag nabodega sa imo kalag, nagahamtong ka pa gid.

**‘Tugoti siya nga nagapabugal
magpabugal nahanungud sini, nga siya
nakahangup kag nakakilala sa Akon ... Kay
nagakalipay Ako sa sini nga mga butang,’
nagapahayag ang Ginoo. (Jeremias 9:24)**

Makasulubo nga, may mga madamong mga tumuluo nga indi gid kaayo hamtong tungud kay wala sila sing madamong ihibalo nahanungud sa doktrina sang Bibliya ukon wala nila nagamit ini. Hunahunaa ini sa sini nga pamaagi. Kon ikaw ara sa unang grado kag mag-eskuwela ka sa isa ka oras lamang kag tunga lang ka semana, sa imo pangisip ano bala kalawigon nga tinion ang imo ginakinahanglan agud makagradwar? Amo ini ang amo man nga senaryo ang ginapakita sang madamong mga Kristohanon. Nagasimba sila kag sa sulud sang halos isa ka oras lamang kag tunga lang ka semana sa pagpanudlo sang Bibliya kag ini kasami nga indi pa gid eksakto. Gani kon nagatoon sila sing Pulong sang Dios sa isa ka oras lamang kag sa sulud sang tunga lang ka semana, ano bala kalawigon nga tinion ang ginakinahanglan agud makahalin sila sa unang grado sang pagkaespirituhanon?

Kay dapat kamo kuntani mga manunudlo na sa sini nga tinion, apang nagakinahanglan pa kamo liwat sang isa ka tawo nga magtudlo sa inyo sing panguna nga mga palatukuran sang tunay nga mga pulong sang Dios, kag nagakinahanglan pa kamo sang gatas kag indi sang mabaskog nga pagkaon. (Mga Hebreo 5:12)

Ini nga bersikulo nagalarawan sang mga Kristohanon nga indi pa hamtong. Dapat nagakaon na sila sing adobong karne apang nagakinahanglan pa gihapon sila sang gatas. Ayhan mahangpan nila kon paano mapun-an sang Balaan Espiritu apang indi gid sila makalambot sa pagkahamtong tungud kay indi sila seryoso nahanungud sa pagtoon sing Pulong sang Dios sa mapinadayunong, adlaw-adlaw nga basihanang kag nagahimo sang aplikasyon.

Ang espirituhanaong pagkahamtong amo ang kadamoon sing Pulong sang Dios nga imo naton-an kag nabodega sa imo kalag nga nakahanda para sa paghinumdum kag aplikasyon

Ang Kristohanon nga wala nagapabilin nga napun-an sang Balaan Espiritu kag nagaabante sa espirituhanong kinabuhi, makalambot gid sa lain nga pakadtoan sang kinabuhi. Magahulat lang siya sa kalooy sang iban tungud sang pagkawalay abilidad sa paggamit sing Pulong sang Dios sa mga palaligban kag mga kahitaboan. Ini nga tawo nagakinahanglan magtawag sang isa pa ka tawo para magbulig ukon magtuytuy, “Manugwali, ano ang dapat ko himoon?” Indi siya makasakdag-sa kaugalingon nahanungud sa pagka-espirituhanon.

Apang bisan pa sina, ang Kristohanon nga may pila

ka pagkahamtong halin sa pagtoon kag paggamit sang doktrina sang Bibliya may kasarang sa pagdumala sang iya kaugalingong mga palaligban kag mga kabudlay nga wala nagadepende sa iban. Siya may espirituhanong pagsakdag-sa kaugalingon. Makahibalo siya magdangup sa Pulong sang Dios para sa mga solusyon kag nagagamit sang buluhaton sing pagpangalagad sang Balaan Espiritu para matuytuyan.

Siya [*Dios Balaan Espiritu*] magatuytuy sa imo sa tanang kamatuuran. (Juan 16:13)

Kon gusto mo himayaon ang Dios sa karon kag sa eternidad, dapat mangin seryoso ka nahanungud sa pagtoon sang Pulong sang Dios.

Kay ang Pulong sang Dios buhi kag gamhanan.
(Mga Hebreo 4:12)

Ang Apat ka Dalayawon Kaayo

Gani, magmahinalungon kamo kon paano kamo magginawi, indi subong sang dimaalamon nga mga tawo kondi subong sang maalamon, nga nagahimulus sang inyo tinion, tungud kay ang mga inadlaw malaut. Gani man indi magpakabuang, kondi hangpon kon ano ang pagbuut sang Ginoo. (Mga Taga-Efeso 5:15–17)

Ang **magmahinalungon kon paano kamo magginawi** amo ang isa ka mando halin sa Dios. Ang pulong para sa “ginawi” sa orihinal nga Griyego ginabadbad nga “dumalahan.” Ang Dios nagasiling sa imo nga magmahinalungon kon paano mo dumalahan ang imo kinabuhi. Ini nagakahululugan

nga tubuson ang imo tinion sing maalamon. Gusto sang Dios maghimo ka sang maayo nga mga desisyon halin sa kahimtangan sang kabakod. Ang imo kahimtangan sang kabakod amo ang ginasiling sang Bibliya. Gusto sang Dios maghunahuna ka kag magbuhat suno sa kon ano ang ara sa Iya Pulong.

Wala gani kamo nakahibalo kon ano ang mangin kinabuhi ninyo buwas. Mga usbong lamang kamo nga nagapakita sa diyutay nga tion kag dason madula. (Santiago 4:14)

Sa ano nga pamaagi mo bala madumalahan ang imo kinabuhi? Pinaagi sa pag-angkon kon ano ang ginatawag ko nga **Ang Apat ka Dalayawon Kaayo**:

Kay ang **kinaalam** nagasulud sa imo tagiposoon kag ang **ihibalo** amo ang mangin khamutan sa imo kalag; dason ang **pagbinagbinag** magabantay sa imo kag ang **paghangup** magatipig sa imo. (Mga Hulubaton 2:10–11)

Ang **kinaalam** nagasulud sa imo tagiposoon [panghunahuna] halin sa pagtoon kag sa aplikasyon sing Pulong sang Dios. Nagahatag ini sa imo sang direksyon kag katuyoan sa kinabuhi.

O, pagkadalum gid sing kamanggaran sang kinaalam kag ihibalo sang Dios! (Mga Taga-Roma 11:33)

Ang **ihibalo** amo ang makapahamuut sa imo kalag. May kagutum ka para sa pagtoon sang Pulong sang Dios. Wala sing mas dako pa nga kasadya kag pagkakontento

sa kinabuhi kay sa pagkahibalo nga ara ka sa tunga sang pagbuut sang Dios nga nagatuman sang pinasahi nga plano nga Iya gindisenyo para sa imo.

Ang kahadlok sa Ginoo amo ang ginsuguran sang ihibalo; ang mga buangbuang nagatamay sang kinaalam kag pagtudlo. (Mga Hulubaton 1:7)

Ang **pagbinagbinag** amo ang magabantay sa imo. May kasarang ka sa pag-inoino sang kamatuuran kompara sa mga kabutigan sang kalibutanong sistema ni Satanas. Ginatawag ko ini nga espirituhanong x-ray nga panan-awon. Makilala mo ang panghunahuna sa tawhanong palanan-awon kag mainoino ang mga pagpangbuyok sang kalibutan. May katalagman sa pag-eksperimento sa sini nga mga butang nga ginatanyag sang kalibutan.

Magmalinungon sa espiritu, magmabinantayon. Ang imo kaaway, ang yawa, nagapangilagkilag sa palibot pareho sang nagangurob nga leyon, nga nagapangita sang tulukbon. (1 Pedro 5:8)

Ang **paghangup** magatipig sa imo. Ang paghangup nagakinahanglan nga may ara ka sing tama nga impormasyon. Sa kay sin-o ka bala magkuha sang impormasyon? Ano bala ang ginasiling sang imo mga abyan, ang tawhanong palan-awon, ukon ano bala ang ginasiling sa imo sing Pulong sang Dios, ang divine nga palanan-awon? Ang panghunahuna nahanungud sa divine nga palanan-awon magahatag sa imo sing pagbinagbinag kag paghangup.

Ang Apat ka Dalayawon Kaayo Kinaalam ... Ihibalo ... Pagbinagbinag ... Paghangup

Daw ano ka bulahan ang tawo nga nakakita sang kinaalam kag ang tawo nga nagaagum sang paghangup. Kay ang iya ganansya mas maayo kay sa ganansya nga pilak kag ang iya ganansya mas maayo kay sa puro nga bulawan. Mas bililhon pa siya kay sa mga alahas, kag wala ka na gid sing handumon nga ma-paanggid sa iya.

Ang kalawigon sang kinabuhi ara sa iya tuo nga kamut; sa iya wala nga kamut amo ang mga kamanggaran kag kadungganan. Ang iya mga pagginawi amo ang makapahamuut nga mga pagginawi kag ang tanan niya nga mga alagyan malinong. Siya amo ang kahoy sang kinabuhi sa yadtong nagapangapyot sa iya, kag malipayon ang tanan nga nagapanghawid sa iya.

Ang Ginoo nagpundar sang kalibutan paagi sa kinaalam, paagi sa paghangup ginpasad Niya ang mga langit. Paagi sa Iya ihibalo napihak ang mga kadadalman kag ang mga kahawaan nagpatupa sang tun-og.

Anak Ko, indi sila pagtugoti nga madula sa imo panulok; tipigi ang maayong kinaalam kag pagbinagbinag.
(Mga Hulubaton 3:13–21)

Ang Apat ka mga C

Ginagamit ko ang Apat ka mga C subong ang pamaagi sa paglarawan kon sa ano nga pamaagi mo maton-an ang Pulong sang Dios kag ang importansya sing proseso sang buluhaton sing pagpangalagad sang Balaan Espiritu. Amo ini kon sa ano nga pamaagi mo mapauswag ang ihibalo kag paghangup nahanungud sa Dios.

Communicate [Itudlo] — Ang Pulong sang Dios gindisenyo agud itudlo sang determinado nga mga tawo nga may espirituhanong dulot sang pastor-manunudlo. Ang trabaho sang pastor-manunudlo amo ang pagtoon kag ang pagtudlo sing Pulong sang Dios sa imo. Ang imo pastor ginmandoan sang Dios sa pagbantay sang imo kalag.

Capture [Dakpon] — Agud madakop ang Bibliyahong mga palatukuran nga gintudlo sang pastor, ginakinahanglan mapun-an ka sang Balaan Espiritu. Indi ka makatoon kag makapabilin sa kon ano man ang imo nabatian kon wala ang paghatag sing gahum kag ang buluhaton sing pagpangalad sang Balaan Espiritu.

**Ang Kristohanong pamaagi sang
pagkinabuhi amo ang labaw pa sa natural
Nagakinahanglan maggamit ka sang labaw
pa sa natural nga gahum sang Balaan
Espiritu agud makakinabuhi sini**

Comprehend [Hangpon] — Ang Balaan Espiritu nagahimo nga posible agud mahangpan mo kag mahinumdu-man kon ano man ang ginatudlo sang pastor. Ang Balaan Espiritu nagabaylo sang akademikong ihibalo pakadto sa bug-os nga espirituhanong ihibalo kag nagapahinumdu-man sini

kon ginakinahanglan mo ini.

Comply [Sundon] — Gusto sang Dios nga sundon kag gamiton mo kon ano man ang imo naton-an. Sang nagtoo ka paagi sa pagtoo sa kon ano man ang gintudlo sa imo, ining bug-os nga ihibalo mametabolisar sa imo kalag kag sa karon mangin kinaalam, ang tumalagsahong espirituhanong kinaalam.

**Agud makakinabuhi sang madinalag-on
nga Kristohanong kinabuhi himusli
ang buluhaton sing pagpangalagad
sang Balaan Espiritu**

GAMITA ANG MGA GALAMITON SANG DIOS SA PAGSULBAR-SANG PALALIGBAN

Ang kada palaligban sa kinabuhi may solusyon nga ginpahayag sa Pulong sang Dios. Ton-i ang Pulong sang Dios pinaagi sa buluhaton sing pagpangalagad sang Balaan Espiritu kag maangkon mo ang mga solusyon nga imo ginakinahanglan.

Kay sa Iya nakatago ang tanan nga mga manggad sang kinaalam kag ihibalo. (Mga Taga-Colosas 2:3)

Ang mga palaligban nagaabot sa tanang mga duug kag indi limitado sa malain lamang nga mga butang nga mahitabo sa imo. Ang pag-uswag posible nga mangin subong ka dako sa palaligban subong man sa kalisdanan. Ang kalisdanan indi malikawan apang ang kalapyo boluntaryo. Kasami ang kalapyo amo ang kon ano ang imo ginahimo sa imo kaugalingon. Ang Dios nagahatag sa imo sing mga galamiton sa pagsulbar-sang palaligban agud madumalahan ang mga hangkat sa kinabuhi. Naton-an ko ining napulo sa akon pastor, R. B. Thieme, Jr., sang nagligad nga mga tinuig kag ginhatagan niya ako sing permiso agud itudlo sila sa inyo. Ton-i kag gamita sila, kag makakinabuhi ka sang kinabuhi nga hilway-sa kalapyo, hilway-sa kabalaka, kag hilway sa kahadlok kag hilway sa pagkakonsyensya. Amo ini ang kinabuhi nga ginahandum sang Dios para sa imo! Ini tanan

nahanungud sa paggamit sang divine nga mga solusyon, indi sang tawhanong mga solusyon.

- #1 Panumbalik
- #2 Pagpuno sang Balaan Espiritu
- #3 Pagpaanad sang Pagtoo nga may Kapahuwayan
- #4 Paghanas sa Grasya
- #5 Paghanas sa Doktrina
- #6 Kinaugalingong Pagbatyag sa Madangatan
- #7 Kinaugalingong Gugma para sa Dios
- #8 Dikinaugalingong Gugma para sa Tanang Katawhan
- #9 Pagpakig-ambit sa Kalipay sang Dios
- #10 Pagkanalikupan ni Kristo

Ang mga solusyon sang Dios amo lamang ang mga solusyon

Panumbalik

Galamiton sa Pagsulbar-sang Palaligban #1

Amo ini ang labi ka importanteng galamiton sa pagsulbar-sang palaligban. Indi ka makakinabuhi sa espirituhanong kinabuhi sa pagkaunudnon sa idalum sing pagdumala sang imo makasasala nga kinaiya. Ang panumbalik amo ang terminolohiya nga nagalarawan sing pagtuad sang nahiba-loan nga sala. Ipahayag lamang, kon makagowa ka sa pagpakig-upod sa Dios paagi sa paghimo sang kinaugalingong sala, gulpi ka magbalik paagi sa pagtuad (pagngalan) sini didto sa Dios nga Amay pinaagi sa mahipos nga pangamuyo. Sang nagligad aton gindiskusyonan sang detalyado ang Panumbalik. Kon ginakinahanglan, baliki kag repasuhon ini.

Kon ituad ta ang aton [*nahibaloan*] mga sala, matutum kag matarong Siya sa pagpatawad sa aton sang aton mga sala kag magatinlo sa aton sa tanang pagkadimatarong [*nahibaloan, wala nahibaloan kag nalipatan nga mga sala*]. (1 Juan 1:9)

Panumbalik

Galamiton sa pagsulbar-sang palaligban #1

Nagasulbar sing papaligban
sang kinaugalingong sala

Pagpuno sang Balaan Espiritu

Galamiton sa Pagsulbar-sang Palaligban #2

Ikaw ara sa bisan diin sining napun-an sang Balaan Espiritu ukon sa idalum sang pagdumala sang imo makasasala nga kinaiya. Ang Pagpuno sang Balaan Espiritu hingpit. Huo, makasala ka tungud kay ikaw may makasasala nga kinaiya. Ang importante amo nga maggamit sang Panumbalik sa gilayon nga natalupangdan mo nga nakasala ka. Dason makabalik ka dayon sa pagpakig-upod kag mahatagan sing gahum sang buluhaton sing pagpangalagad sang Balaan Espiritu. Sang nagligad aton gindiskusyonan sing detalyado ini nga galamiton sa pagsulbar-sang palaligban. Kon ginakinahanglan, repasoha ini.

Magmapuno sang Espiritu. (Mga Taga-Efeso 5:18)

Amo ini ang sugo halin sa Dios. Ang Balaan Espiritu nagapuyo sa imo subong imo giya kag manunudlo. Amo ini ang imo gahum agud makatoon sing Pulong sang Dios kag magamit ini agud nga mahimaya mo ang Dios sa kinataa-

san. Amo ina kon ngaa ari kita diri — agud himayaon ang Dios.

Wala bala kamo nakahibalo nga ang inyo lawas templo sang Balaan Espiritu nga ara sa inyo, nga inyo nabaton halin sa Dios, kag sa sina indi na kamo inyo kaugalingon? Kay ginbakal kamo sing dako nga presyo; gani himayaa ang Dios sa inyo lawas. (1 Mga Taga-Corinto 6:19–20)

Pagpuno sang Balaan Espiritu galamiton sa pagsulbar-sang palaligban #2

Kinahanglanon sa pagkinabuhi sang Kristohanong kinabuhi
Nagasulbar sang palaligban sa pagdumala
sang makasasala nga kinaiya

**** Ginakinahanglan mapun-an ka
sang Balaan Espiritu agud magamit
ang nagasunud nga mga galamiton
sa pagsulbar-sang palaligban ****

Pagpaanad sang Pagtoo-nga may Kapahuwayan Galamiton sa Pagsulbar-sang Palaligban #3

Mapatubo mo ang imo mga kaundan sang pagtoo pina-agi sa pagtoon kag pagmetabolisar sing Pulong sang Dios kag nagagamit sini sa kalisdanan.

Ang pagtoo nagahalin sa pagpamati kag ang pagpamati sang Pulong sang Dios. (Mga Taga-Roma 10:17)

Ang Pagpaanad sa Pagtoo nga may Kapahuwayan amo ikaw nga nagatindog sa mga saad sang Dios kag nagasalig sa Dios nga magdumala sang imo palaligban. Ini nagatugot sa imo nga maghunahuna imbis sang magbulubatyag. Karon nagasentro ka sa Dios kag sa Iya solusyon imbis sa imo palaligban.

Naghatag Siya sa aton sang Iya bililhon kag matahum kaayo nga mga saad, agud nga pinaagi sa Ila kamo mangin mga umalambit sang divine nga kinaiyahan. (2 Pedro 1:4)

Ang pagtoo amo ang espirituhanong ikasarang

Magmalig-on kamo sa Ginoo kag sa kusog sang Iya gahum. Isuklob ang bug-os nga armas sang Dios, agud nga sarang kamo makatindog sing malig-on batok sa mga pahito sang yawa ... Labaw sa tanan, nagagamit sang panaming sang pagtoo sa diin makasarang kamo sa pagpalong sang tanang nagadabadaba nga mga pana sang malauton. (Mga Taga-Efeso 6:10–16)

Ini nagalarawan sang mga kasangkapan nga nakahanda na agud makakinabuhi sa Kristohanong kinabuhi. Halimba-wa, ang kada Romanhong sundalo may panaming nga iya gindala sa inaway. Ini nga panaming nagprotekta sa iya sa mga pana kag mga bangkaw sang kaaway. Si Apostol Pablo nagasiling sa aton nga may ara man kita panaming. Ang aton amo ang wala ginhimo sa kahoy ukon sa salsalon. Ini ginhimo sa Pulong sang Dios. Kon gamiton mo ang Pulong sang Dios, madepensahan mo ang imo kaugalingon batok sa imo tatlo ka mga kaaway: ang kalibutan, ang unud, kag ang yawa. Ang pagbayaw sang imo panaming amo ang

pagsakot sang mga saad sang Dios sa imo pagtoo. Ang pagtoo amo ang pagsalig sa mga butang nga indi makit-an.

Ang Akon Dios magahatag sang tanan ninyo nga mga kinahanglanon suno sa Iya kamang-garan sa himaya kay Kristo Jesus. (Mga Taga-Filipos 4:19)

Ang Dios nagasaad nga pirmi gid magsugata sang imo mga kinahanglanon. Luyag ka bala magsalig sa Iya ukon nagahunahuna ka nga may ara ka mas maayong plano? Kon nagsalig ka sa Dios nga luwason ka, wala ka bala nagahunahuna nga masaligan mo Siya sa pagsangkap kag pag-atipan sa imo?

Sa Dios nagasalig ako, indi ako mahadlok. Kon ano ang mahimo sang tawo sa akon? (Salmo 56:11)

Ang Pagpaanad sa Pagtoo nga may Kapahuwayan may tatlo ka mga halintang. **Una, mag-angkon sang isa sa mga saad sang Dios.** May ara sing sobra sa 7,000 sa Bibliya. Ini nagapalig-on sa imo kag nagatugot sa imo hunahuna nga magbulos sa imo balatyagon sing pagkataranta-sa kahadlok. Apang agud maangkon ang mga saad, ginakinahanglan may bisan pila ka nga nahibal-an. Amo ini ang diyutay nga mga saad nga ginapapagsik ko ikaw sa pagsaulo, karon.

Itugyan ang tanan ninyo nga paghimud-os sa Iya tungud kay Siya nagakabalaka sa inyo. (1 Pedro 5:7)

Indi magkahadlok. Magpakalig-on kag tan-awa ang pagpalingkawas sang Ginoo. (Exodo 14:13)

Magpakabakod kag magpakaisog. Indi magkurug ukon magkahangawa kay ang Ginoo nga imo Dios nagaupod sa imo bisan diin ka makadto. (Josue 1:9)

Sa tion nga nahadlok ako, magasalig ako sa Imo. (Salmo 56:3)

Ikaduha, usisaa ang Pulong sang Dios agud makita ang may kaangtanang Bibliyanhong mga palatukuran kag makatarunganong mga paathag nga magamit sa imo mga kahitaboan. Isip-isipon naton sing mahinalungon ang kinaiya sang Dios. Perpekto Siya kag gani ang Iya plano para sa imo perpekto. Nakahimo bala Siya sing sayup ukon nakalipat sa imo? Wala! Indi Niya ini mahimo. Perpekto Siya. Ang Dios gugma. Nag-untat bala Siya sa paghigugma sa imo? Wala! Siya amo ang kamatuuran. Nagbinutig bala Siya sa imo? Wala gid! Siya gamhanan sa tanan. Ang Dios bala makahimo magsulbar sining imo palaligban? Syempre makahimo Siya! Nakita mo, pinaagi sa paggamit sang Bibliyanhong mga palatukuran kag sang makatarunganong mga paathag, makaporma ka sang mga mapilian kag mga sabat halin sa Pulong sang Dios.

Magsalig sa Ginoo sa bug-os mo nga tagipsoon kag indi magsandig sa imo kaugalingong paghangup. Sa tanan mo nga mga pagginawi kilalaha Siya kag tadlungon Niya ang imo mga dalanon. (Mga Hulubaton 3:5–6)

Ikatatlo, maghimo sang konklusyon. *Kon ang Dios apin sa aton, sin-o bala ang makabatok sa aton? (Mga Taga-Roma 8:31).* Bisin pa sang imo kalisdanan, magpabilin sa pagpatawhay. Ang Dios nakahibalo nahanungud sini sadto

pa sa nagligad nga eternidad kag nagahatag sa imo sang tanan nga butang nga imo ginakinahanglan agud madumalahan ini. Indi ka Niya pagatugotan nga matilawan sing labaw pa sa imo mabatas.

Kon ano nga malaut ang ginaplano sang tawo ... ang Dios nagahimo para sa ikaayo. (Genesis 50:20)

Walay pagtilaw nga nagaabot sa inyo nga indi masarangan subong sang masami nagaabot sa tawo; kag ang Dios matutum kag indi magatugot nga matilawan kamo labaw pa sa inyo masarangan, kondi kaupod sa pagtilaw magasangkap man sing pamaagi sa pagpalagyo, agud nga masarangan ninyo batason ini. (1 Mga Taga-Corinto 10:13)

Kon indi mo magamit ang panaming sang pagtoo mangin biktima ka sang imo makasasala nga kinaiya. Magakinabuhi ka sa kahadlok kag kahangawa nga estelo sang kinabuhi, nga indi gid makaeksperyensya sing paghidait sang Dios. Ang tanan mo nga kinahanglanon ginsangkap na sang Dios. Karon nagadepende na ini sa imo. Ginakinahanglan magtoo ka sa Pulong sang Dios kag isuklob ang imo panaming sing pagtoo agud nga indi ka mangin Kristohanong pilasan sa duug awayan sang kinabuhi.

Pagpaanad sang Pagtoo-nga may Kapahuwayan galamiton sa pagsulbar-sang palaligban #3

Nagasulbar sing palaligban sang wala
damha nga mga kabudlayan
Magsentro liwat sa Dios

Paghanas sa Grasya

Galamiton sa Pagsulbar-sang Palaligban #4

Ang grasya amo ang palisiya sang Dios. Sa grasya ang Dios amo ang nagahimo sang tanang trabaho, suno sa kon Sin-o kag Ano Siya. Ang grasya amo ang nangingin didapat kag suno sa tagtungod kag indi ang natungdan. Ini amo ang pagkaawa kag kalooy. Ang paghanas sa grasya amo ang pagtoon agud himuslan kag ikalingaw ang mga benepisyo sang grasya. Ang Dios nagasangkap sang grasya sa pagluwas, grasya sa pagkinabuhi, grasya sa tagumatayon kag bisan ang nagapangibabaw nga grasya sa langit.

Ang **grasya sa pagluwas** amo ang kon ano ang imo naeksperyensyahan sang nagtoo ka kay Jesu-Kristo. Naluwas ka sa silot sang sala kag nagarantiyahan sang kinabuhi nga walay katapusan upod sa Dios didto sa langit.

Kay tungud sa grasya naluwas kamo pinaagi sa pagtoo; kag ini indi tungud sa inyo mga kaugalingon, ini amo ang dulot sang Dios; indi bilang resulta sang mga trabaho, agud nga walay bisan isa nga basi magpabugal. (Mga Taga-Efeso 2:8–9)

Ang **grasya sa pagkinabuhi** amo ang kon ano ang ginasangkap sang Dios sa imo kada adlaw. Kon kaisa amo ini ang gintawag nga lohistika nga grasya nga nagakahulugan ang divine nga mga pagsangkap, suporta, pagplano, mga pagkabutang kag mga pakamaayo nga ginahatag sang Dios sa imo agud matuman ang protokol nga plano sang Dios. Ang Dios nagasangkap sang tanan mo nga mga kinahanglanon. Ang suporta sang lohistika nga grasya nagahalin sa katarungan sang Dios kag nagakadto dira sa lya pagkamatarong nga ara sa imo pinaagi kay Jesu-Kristo.

Ang Akon grasya nagakaigo para sa imo, kay ang gahum ginperpekto sa tion sang kaluyahon. (2 Mga Taga-Corinto 12:9)

Karon sa Iya nga sarang makahimo sang labaw pa ka abunansiya sa tanan nga aton ginapangayo ukon ginahunahuna. (Mga Taga-Efeso 3:20)

Ang **grasya para sa tagumatayon** amo ang ginsaad sa mga Kristohanon nga mga nagaabante sa plano sang Dios kag may pagsalig sa mga ginalauman sang ila matahum kay ayo nga walay katapusang palaabuton. Ini isa ka espesyal nga pagsangkap sa grasya nga nagalabot sang pakamaayo kag kalipay samtang tagumatayon. Amo ini ang makatilingalang grasya nga pagkabutang para imo lauman. Nakahibalo ka kon diin ka pakadto. Amo ini kon ano ang ginahimo sang pagtoo. Nagahatag ini sa imo sang abilidad nga makita ang dimakit-an. Ang kaangtanan sang pakamaayo sa sini nga tinion sa pakamaayo didto sa eternidad makit-an sa grasya para sa tagumatayon tungud kay ini nagadala sa imo sa pagsentro sa walay katapusan nga mga padya.

Kon ang Punong Manugpahalab magpakita, magabaton kamo sang wala nagakalus-aw nga korona sang himaya. (1 Pedro 5:4)

Bulahan yadtong nagkalamatay sa Ginoo. (Bugna 14:13)

Bisan pa nagalakat ako sa nalupyakan sang landong sang-kamatayon, wala ako sing kahad-lokan nga halit [*kasakit*, *pag-antos*]; kay Ikaw nagalakat kaupod nakon; ang Imo sungkod kag ang Imo itulukod, nagalipay sila sa akon. (Salmo 23:4)

Ang **nagapangibabaw nga grasya** nagalakip sang imo mga padya nga natipon sa sini nga tinion kag maeksperyensyahan didto sa langit.

Agud nga sa mga panahon nga palaabuton mapakita Niya ang nagapangibabaw nga kamanggaran sang Iya grasya sa pagkamalolo sa aton. (Mga Taga-Efeso 2:7)

**May mando para sa imo
halin sa Dios nga magtubo sa
grasya kag ihibalo nahanungud sa Iya**

Gani, ihanda ang inyo mga hunahuna sa pagbuhay, magbut-anan kag ipahamtang ang inyo paglaum sing bug-os sa grasya nga pagadalhon sa inyo sa pagpahayag ni Jesu-Kristo. (1 Pedro 1:13)

Ang kaaway sang grasya amo ang legalismo. Ang legalista amo ang isa ka tawo nga nagahunahuna nga ang Dios magdayaw sang iya maayong mga binuhatan. Kasami ang legalista mga may kamatarong-sa kaugalingon, nagahukum sa iban kag nagapanghilabot sa wala sila sing kalabotlabot. Ang mga legalista matinguhaon sa pagsiling sa imo kon paano mangin isa ka maayong Kristohanon. Indi magpasiud sa sini nga estelo sang pagkinabuhi.

Ang Dios nagalaum nga magkinabuhi ka pinaagi sa grasya kag tratuhon ang iban pinaagi sa grasya. Ang paghanas sa grasya isa ka makatilingalang pangisip.

**Maghunahuna sang grasya
kag ipakita ang grasya sa tanan
sa imo mga ginsakupan sang impluwensya**

Magpamulong kamo pirmi nga may grasya, nga daw natimplahan sing asin, agud nga mahibal-an ninyo kon paano kamo dapat magsabat sa kada tawo. (Mga Taga-Colosas 4:6)

**Paghanas sa Grasya
galamiton sa pagsulbar-sang palaligban #4**

Nagasulbar sing palaligban sang legalismo,
ang maayong mga trabaho sang Kristohanon
kag sang tawo nga nagapaninguha
nga pakalmahon ang Dios

**Paghanas sa Doktrina
Galamiton sa Pagsulbar-sang Palaligban #5**

Ang paghanas sa doktrina amo ang pagbodega sing Pulong sang Dios sa imo kalag kag ang paghunahuna sang divine nga palanan-awon.

Untati ang pagpauyon sa sini nga kalibutan, kondi magbaylo pinaagi sa pagbag-o sang inyo hunahuna. Maghunahuna sang maalamon nga paghukum, subong sang gingahin sang Dios sa kada isa sa aton ang talaksan sang pang-hunahuna nga halin sa Iya Pulong. (Mga Taga-Roma 12:2–3)

Ang Imo Pulong amo ang suga sa akon mga tiil kag ang kasanag sa akon alagyan. (Salmo 119:105)

Ang tagsa ka palaligban sang kinabuhi may solusyon nga ginpahayag sa Pulong sang Dios

Samtang ginagamit mo ang Paghanas sa Doktrina, masapwan mo ang imo kaugalingon nga nagapamangkutanon, “Ano bala ang ginasiling sang Bibliya nahanungud sini?” Makita mo kon paano ang Pulong sang Dios mangin may kaangtanan sa tagsa ka bahin sang imo kinabuhi. Ang doktrina sang Bibliya nagatuytuy kag nagapapagsik sa imo sa kamatuuran.

Natudloan Ko ikaw sa dalanon sing kinaalam; natuytuyan Ko ikaw sa matadlong nga mga alagyan. Kon ikaw maglakat, indi masablagan ang imo mga tikang; kag kon ikaw magdalagan, indi ka makasandad. Tipigi gid ang panudlo; indi paglipati. Bantayi siya, kay siya ang imo kinabuhi. (Mga Hulubaton 4:11–13)

Ang Imo mga Pulong nakit-an kag ginkaon ko sila; ang Imo mga Pulong para sa akon nangin kalipay kag kasadya sang akon kalag. (Jeremias 15:16)

**Paghanas sa Doktrina
galamiton sa pagsulbar-sang palaligban #5**
Nagasangkap sang solusyon
para sa bisan anong palaligban

**Kinaugalingong Pagbatyag sa Madangatan
Galamiton sa Pagsulbar-sang Palaligban #6**

Amo ini ang kasugpon sang unang lima ka mga galamiton sa pagsulbar-sang palaligban. Nagaabante ka sa punto

sa diin nagasentro ka kay Ginoong Jesu-Kristo nga amo ang mas dako kay sa imo kaugalingon. Samtang ginbiyaan mo ang imo kinaugalingong listahan sing hilimoon kag nagsulud sa puwertahan sang listahan sing hilimoon sang Dios amo ina kon kasan-o ka nagsugod sa paghangup sang plano sang Dios sa imo kinabuhi. Ang imo kinabuhi nagasentro na sa kahulugan kag katuyoan. Nakahibalo ka na kon ngaa ari ka diri. Karon ara ka sa listahan sing hilimoon sang Dios, indi sang imo.

May madamo nga mga plano sa tagiposoon sang tawo apang ang katuyoan sang Dios amo ang magpangibabaw. (Mga Hulubaton 19:21)

Ang kinaugalingong pagbatyag sang madangatan naga-pang-engganyo sa imo nga ibutang mo sa tama ang imo mga ulunahon. Nagahulag ka pinaagi sa imo espirituhanong pagtahod sa kaugalingon pakadto sa espirituhanong kaugalingong kahilwayan kag dason espirituhanong pagkahamtong. Makatindog ka sa imo kaugalingon pinaagi sa paggamit sing Pulong sang Dios nga nakabodega sa imo kalag. Wala ka nagakinahanglan magdepende sa iban agud mag-supporta sa imo, maglaygay sa imo, mag-engganyo sa imo.

Kinaugalingong Pagbatyag sa Madangatan galamiton sa pagsulbar-sang palaligban #6

Nagasulbar sang palaligban nahanungud sang sayup nga mga ulunahon, pagkanalikupan—sang kaugalingon, kag sang “ngaa ari ako diri?”

Kinaugalingong Gugma para sa Dios Galamiton sa Pagsulbar-sang Palaligban #7

Ang Bibliya nagasugo sa aton nga higugmaon ang Dios.

Pagahigugmaon mo ang Ginoo nga imo Dios sa bug-os mo nga tagiposoon, kag sa bug-os mo nga kalag, kag sa bug-os mo nga hunahuna. (Mateo 22:37)

Bisan pa nga wala mo Siya makita, ginahigugma mo Siya, kag bisan pa nga wala mo Siya makita karon, apang nagatoo sa Iya, nagakasadya gid sing kalipay nga indi masaysay kag puno sang himaya. (1 Pedro 1:8)

Sang ang Bibliya nagasiling sa aton nga higugmaon ang Dios, ini nagakahulugan nga nagakinahanglan kilalahon naton Siya. **Kon wala ka nakahibalo sang Iya Pulong, wala ka nakakilala sa Iya kag indi mo Siya mahigugma.** Amo ina kon ngaa importante gid ang pagtoon sa Bibliya. Sa dugang nga nagatoon ka nahanungud sa Iya, nagadugang pa gid ang paghigugma mo sa Iya, kag sa nagadugang pa gid ang paghigugma mo sa Iya, nagadugang pa gid ang imo kagustohan nga magtoon nahanungud sa Iya.

Ang bisan sin-o nga nagapabilin sa Iya Pulong, sigurado gid nga ang gugma sang Dios sa iya nahingpit na. Tungud sini nahibal-an naton nga ara kita sa Iya; ang nagasiling nga nagapabilin siya sa Iya dapat magginawi siya sa amo man nga pamaagi subong sang pagginawi Niya. (1 Juan 2:5–6)

Ang pamaagi nga mahibal-an mo kon ginahigugma mo ang Dios amo ang kon ikaw nagatuman sa Iya. Wala ka Niya ginapahimo sang isa ka butang nga indi mo sarang mahimo. Gani, ang gugma isa ka pagtilaw. Ang pagtilaw amo nga, tumanon mo bala ang Dios?

Kon ginahigugma mo Ako, tumanon mo ang Akon mga mando. (Juan 14:15)

Kabay pa nga tuytuyan sang Ginoo ang inyo mga tagiposoon sa gugma sang Dios kag sa pagkamalig-on ni Kristo. (2 Mga Taga-Tesalonica 3:5)

Ini nga galamiton sa pagsulbar-sang palaligban naga-engganyo sa mga ginikanan kag kabataan nga tumanon ang mga mando sa sini nga mga dalanon:

Mga kabataan, tumana ang inyo mga ginikanan sa Ginoo, kay amo ini ang tama. Tahora ang inyo amay kag iloy ... Mga amay, indi pagpainita ang inyo kabataan sa kaakig, kondi sagura sila sa disiplina kag sa panudlo sang Ginoo. (Mga Taga-Efeso 6:1–4)

Ang gugma amo ang putling kamaayo. Ang kinaugalingong gugma para sa Dios amo ang pinakadakong pang-engganyo sing putling kamaayo nga imo maangkon. Ini nga galamiton sa pagsulbar-sang palaligban nagahatag sa imo sang kapasidad para sa pagkinabuhi.

Kinaugalingong Gugma para sa Dios galamiton sa pagsulabar–sang palaligban #7

Amo ang pang-engganyo agud mangin
magmasinulundon sa plano sang Dios

Dikinaugalingong Gugma para sa Tanang Katawhan

Galamiton sa Pagsulbar-sang Palaligban #8

Kon ang isa ka tawo nagasiling, ‘Ginahigugma ko ang Dios,’ kag nagadumut sa iya utod, butigon siya; kay ang isa nga wala nagahigugma sa iya utod nga iya nakita, indi makahigugma sa Dios nga wala niya nakita. Kag ini amo ang sugo sa aton halin sa Iya, nga ang isa nga nagahigugma sa Dios dapat nagahiguma man sa iya utod. (1 Juan 4:20–21)

Ang dikinaugalingong gugma amo ang pundasyon sing putling kamaayo kag importante gid sa pagtrato sang katawhan. Huo, ang katawhan mga diperpekto, kag ang tanan may makasasala nga kinaiya. Ang gugma wala gin-disenyo nga magtrabaho kon ikaw may maayong buut lamang sa isa ka tawo. Hunahunaa ang nahanungud sa labing makaulugot nga tawo nga imo nakilala. Ginatawag ko sila nga mga MMG, makahaladlok makaulugot gago. Ang Dios nagasiling nga dapat higugmaon mo ang mga MMG. Indi ini mahapos. Nagakinahanglan ini sing dikinaugalingong gugma, indi kinaugalingong gugma. Ini nga mando halin sa Dios nagapahimo sa mga Kristohanong pinasahi. Ginakinahanglan naton higugmaon ang aton mga kaaway. Wala ini nagakahulugan nga indi kita magpakig-away agud depensahan ang aton pungsod, mga panimalay kag mga pamilya. **Nagatudlo ini nga ginakinahanglan naton sundon ang halimbawa ni Kristo kag higugmaon ang tanang katawhan gamit ang dikinaugalingong gugma.**

Ang palaligban nagaabot kon magtilawtilaw ka sa paghigugma sang katawhan gamit ang kinaugalingong gugma. Ang katawhan magapalus-aw gid sa imo, isip-isipa ina. Ang

pagpangakig ukon ang pagreklamo tungud sang iban pa nga sala sa panghunahuna ukon sa panghambal sayup. **Ang tama nga butang nga pagahimoon amo ang pagbaylo halin sa kinaugalingon pakadto sa dikinaugalingong gugma.** Ang dikinaugalingong gugma wala nasuno sa iban nga tawo ukon sa iya mga aksyon. Ini suno sa imo kag sa imo pagkamatinud-anon halin sa ginhalinan sang imo kinaugalingong gugma para sa Dios. Ang kinaugalingong gugma para sa Dios kag ang paggamit sang dikinaugalingong gugma magasulbar sang tanang mga sari sang mga palaligban sa imo kinabuhi.

Ginapangamuyo ko nga ang inyo gugma magbugana sing labi kag labi pa gid sa ihibalo kag kinaalam. (Mga Taga-Filipos 1:9)

Magmainayuhon kamo sa isa kag isa, magmalolo, nga nagapatawaray sa isa kag isa, subong nga ang Dios pinaagi kay Kristo nagpatawad sa inyo. (Mga Taga-Efeso 4:32)

**Dikinaugalingong Gugma
para sa Tanang Katawhan
galamiton sa pagsulbar-sang palaligban #8**
Nagasulbar sang mga palaligban sang Katawhan

**Pagpakig-ambit sa Kalipay sang Dios
Galamiton sa Pasulbar-sang Palaligban #9**

Ini nagahatag sa imo sang palaagihan nga indi na gid magmangin dimalipayon. Ang kalipay nagahalin sa imo relasyon kay Jesu-Kristo, indi sa katawhan ukon sa mga kahitaboan. Ang yabi sa pagpakig-ambit sa kalipay sang Dios amo ang pagpadayon sa imo pagsentro sa kay Jesu-Kristo

kag sa mapinadayunon nga pagtoon kag paggamit sang Pulong sang Dios.

Pakontento ha kami sa kaagahon sang Imo mapinadayunon nga gugma agud nga magkanta kami tungud sang kasadya kag magkalipay sa tanan namon nga mga inadlaw. (Salmo 90:14)

Daw ano ka malipayon ang tawo nga nakakita sang kinaalam kag ang tawo nga nakaagum sang paghangup. (Mga Hulubaton 3:13)

Padayon nga magkalipay sa Ginoo sa tanang mga tinion. (Mga Taga-Filipos 4:4)

Magmapuno sa kabug-osan sang Dios. (Mga Taga-Efeso 3:19)

May tatlo ka mga konsepto sang kalipay:

(-K) Ang negatibo nga K amo ang kalipay nga ginatitawtilawan nga makit-an sang tawo pinaagi sa pila ka sistema sang kalibutan, subong sang materyal nga mga butang. Ayhan nagahunahuna ka nga ang pagdaog sa loterya magadala sing kalipay. Madamong katawhan ang nagdaog sa loterya kag nasapwan nga indi gihapon sila malipayon. Ini nga kalipay indi gid magdugay.

(K) Amo ini ang patas nga kalipay kag ini lang gid ang sarang maagum sang ditumuluo. Ini puwede makit-an sa pag-asawahay, ukon sa pamilya, ukon sa propesyon.

(+K) Ang dugang nga K amo ang kalipay sang Dios. Ini amo ang kalipay kag pagkakontento nga ara sa mga Kris-

tohanon lamang. Bisan si Jesu-Kristo may +K didto sa krus tungud kay nakahibalo Siya nga nagatuman Siya sa plano sang Amay.

Si Jesus, ang ginhalinan kag manugperpekto sang pagtoo, nga tungud sa kasadya nga ginbutang sa Iya atubangan nagbatas sa krus, nga nagatamay sang kahuluy-an, kag naglingkod sa tuo nga kamut sa trono sang Dios. (Mga Hebreo 12:2)

Ayhan maagyan mo ang nangin didapat nga pag-antos apang nagaangkon ka sang amo man nga +K nga ara kay Kristo. Ang pamaagi sa paghimo sini amo ang pagpabilin sa pagpakig-upod kag paggamit sang pagtoo-nga may kapahuwayan. Apang kon may aligutgot ka kag puno sang pagkalooy-sa kaugalingon, magapakasala ka gid sing mga sala sa pagkamataastaason. Dason mangin malikupan ka sang imo mga palaligban. Ang imo +K madula.

Si Jesu-Kristo nagsiling sa Iya mga gintoton-an, kag sa aton, ***“Ini nga mga butang Akon na ginsiling sa inyo agud nga ang Akon kasadya mangin ara sa inyo kag agud nga ang inyo kasadya mangin bug-os”*** (Juan 15:11).

Ang kalipay sang Dios ginalarawan paagi sa kalinong, pagkakontento, kapasidad sa pagkinabuhi, kag kaugalingong-pang-engganyo. Ang **kalinong** sang kalag amo ang sa sulud nga paghidait, bug-os nga pagsalig sa perpektong plano sang Dios. Ang **pagkakontento** amo ang pagkahamuut sa kon ano ang ara sa imo kag kon sin-o ka. Mabina binag mo nga ang kalipay walay kaangtanan sa katawhan ukon mga kahitaboan, kag ginapabilin mo sa pananawon ang mga detalye sa kinabuhi. Ang **kapasidad para sa pagkinabuhi** nagahalin sa pagkakontento. Kon kontento ka, may kapasidad ka para pakamaayohon sang Dios. Ang

kaugalingong-pang-engganyo nagakahulugan nga ang imo kalipay nagahalin sa sulud. Wala ka nagapurupungko lang nga nagahulat sa isa ka tawo ukon sa isa ka butang nga maglipay sa imo.

Naton-an ko ang mangin kontento sa bisan anong mga kahitaboan ako. Makahibalo ako magpakakubus kag makahibalo ako magkinabuhi sa bugana; sa bisan ano kag sa kada kahitaboan naton-an ko ang sekreto sang pagkabusog kag pagkagutum, ang pagkinahanglan sang ara sa kabuganaan kag sa pag-antos. Makahimo ako sang tanang mga butang pinaagi sa Iya nga nagapabakod sa akon. (Mga Taga-Filipos 4:11–13)

Kon nagapalibog gid ako, ang imo paglipay nagapasadya sang akon kalag. (Salmo 94:19)

Pagpakig-ambit sa Kalipay sang Dios galamiton sa pagsulbar-sang palaligban #9

Amo ang perpektong kalipay, kalinong sa kalag, pagkakontento kag kapasidad sa pagkinabuhi

Pagkanalikupan ni Kristo Galamiton sa Pagsulbar-sang Palaligban #10

Magamay lang gid nga katawhan ang ginhigugma sa pamaagi nga gusto higugmaon sila ukon tratuhon sa pamaagi nga gusto pagatratuhon sila. Ini nagahalin sa walay reyalidad nga mga ginalauman. Kon wala sing doktrina sang Bibliya kag sing paggamit sang mga galamiton sa pagsulbar-sang palaligban, indi malikawan nga ini nga mga walay reyalidad nga mga ginalauman mangin kabangdanan sang

kapaslawan kag sang dakong pagkawalay kalig-onan.

Ang pagkanalikupan ni Kristo nagabutang sang imo dakong pagtalupangud sa Dios imbis sa katawhan. Makuha mo ang imo pagpapagsik kag pagsalig sa imo Ginoo kag Manluluwas, indi sa katawhan ukon sa mga kahitaboan. Nailisan sang divine nga palanan-awon ang tawhanong palanan-awon.

Indi na ako, kondi si Kristo nga ara sa akon. (Mga Taga-Galacia 2:20)

Kon ikaw nalikupan ni Kristo, Siya ang imo halimbawa kag ang sentro sang imo konsentrasyon. Maghanda pirmi sa pagsabat sa kay bisan sin-o nga nagapamangkot sa imo sing kabangdanan sang paglaum kag pagsalig nga ara sa imo.

Pakabalaana si Kristo subong Ginoo sang inyo mga tagiposoon, nga pirmi nakahanda sa pagdependa sa kada isa nga nagapamangkot sa inyo sa paghatag sang saysay para sa paglaum nga ara sa inyo, apang may pagkabutan kag pagtahod. (1 Pedro 3:15)

Ang Pagka-mangin Pagkanalikupan ni Kristo amat-amat samtang nagauswag ikaw sa espirituhanong pagkahamtong

Ang paghidait sang Dios nga nagapangibabaw sa tanan nga paghangup magabantay sang inyo mga tagiposoon kag mga hunahuna sa kay Kristo Jesus. (Mga Taga-Filipos 4:7)

Sa Iya nga makasarang sa pagbantay sa inyo sa pagkapukan, kag makahimo sa inyo nga ma-

katindog sa presensya sang Iya himaya nga walay dagta nga may dakong kasadya, sa isa gid lamang ka Dios nga aton Manluluwas, pinaagi kay Jesu-Kristo nga aton Ginoo, ang himaya, pagkahari, kagamhanan kag awtoridad, sa wala pa ang tanan nga tion kag karon kag sa walay katubtuban kabay pa. (Judas 1:24–25)

Ang pagkanalikupan ni Kristo amo ang isa sa pinakadako nga kamanggaran nga puwede mo maangkon. Ini nakahan-da na para sa imo pinaagi sa pag-agum sang hunahuna ni Kristo. Ginapakita mo ini paagi sa imo pagpanghunahuna kag pagkinabuhi sang imo kinabuhi, kag sa pagpresenta sa Iya liwat sa iban.

**Pagkanalikupan ni Kristo
galamiton sa pagsulbar-sang palaligban #10**

Nagasulbar sang palaligban nahanungud sa
walay reyalidad nga mga ginalauman
kag nagahan-ay sang pagsentro para sa
pagkinabuhi sa kay Jesu-Kristo

MAGTUBO SA ESPIRITUHANONG PAGKAHAMTONG

Gusto sang Dios magtubo ka sa espirituhanong pagkahamtong kag madala sa Iya ang kinataasan nga kahimayaan sa sini nga tinion kag sa eternidad. Amo ini ang imo tinutuyo. Pinaagi sa Iya mga pagsangkap sa grasya ara sa imo ang tanan mo nga kinahanglanon agud matuman ini. Karon depende ini sa imo! Bayawa si Jesu-Kristo sa yadtong ara sa imo mga ginsakupan sang impluwensya agud nga kapareho sang magnet, mabutong ni Kristo ang tanan pakadto sa Iya.

Ang Imo Pastor-Manunudlo

Ang pagtoon sa idalum sang buluhaton sing pagpangalagad sang isa ka kwalipikado nga pastor-manunudlo amo ang hingpit nga kinahanglanon para sa espirituhanong pagkahamtong. Kondi magtubo ka sing gamay lamang pero may posibilidad nga indi ka magtubo sing bug-os. **Indi mo matudloan ang imo kaugalingon agud mangin espirituhanong hamtong.**

Ang palaligban nahanungud sa madamong mga Kristohanon karon nga panahon amo nga naluwas sila sang medyo dugay na kag galing lang gin-usikan nila ang ila tinion sa pagpaninguha nga malambot ang espirituhanong pagkahamtong paagi sa ila mga kaugalingon.

Kasami ang mga tawo nagsiling sa akon, “Nabasa ko ang Bibliya sugod sa umpisa kutub sa katapusan.” Namang-

kot ko, “Nakapahimo bala ini sa imo sing isa ka mas maa-yong Kristohanon?” Wala. Ang pagbasa sang Bibliya, pag-saulo sang Balaan nga Kasulatan, ukon pag-umpisa sang adlaw nga may pagpamalandong indi amo ang pamaagi nga magtubo ka sa pagkaespirituhanon. Wala sing malain sini apang indi ini ang proseso para sa ginpadasig nga pagtubo, nga ginmado sa protokol nga plano sang Dios.

Ang Bibliya indi nobela Ini amo ang tolon-ang-libro nga ginakinahanglan itudlo

Amo ini kon ngaa ang Dios nagahatag sa imo sing pastor. Ang iya trabaho amo ang magtudlo sa imo nahanungud sang Bibliya. Ang mga pastor may indi mapatihan nga responsibilidad didto sa Dios sa pagtoon, paghanda kag pagtudlo sing eksakto sing Pulong sang Dios. Kon ara ka sa idalum sang buluhaton sing pagpangalagad sang isa ka Bibliyanhong sakto nga pastor-manunudlo, isa ka tawo nga nahanas sa mga lenggwahe sang Bibliya (Griyego, Hebreo kag Aramik), kag may naton-an sa Bibliyanhong kasaysayan, kag may kasarang sa pagpasangkad kag magkategorya sang doktrina, ini amo ang tawo nga magatuytuy sa imo pakadto sa espirituhanong pagkahamtong.

Ang espirituhanong dulot sang pastor-manunudlo ginhatag sa mga lalaki nga may kasarang sa pagkalkal sang impormasyon nga imo ginakinahanglan kag dason makatudlo sa imo sa eksakto. Ini hingpit gid nga ginakinahanglan mo magpamuyong sa pungkoanan, mamati kag magbug-os sing pagtalupangud sa tion sang pagtoon sing Pulong sang Dios. Kon wala ini nga disiplina-sa kaugalingon, indi ka gid magtubo sa pagkaespirituhanon. Ayhan mabudlay gid himoon nga ulunahon ang pagtoon sa Bibliya labaw sa iban pa ka taga nga butang apang ginakinahanglan mo ini himoon kon

gusto mo mahimaya ang Dios sa kinataasan.

Ang Protokol sa Pangamuyo

Sa tion sang kaluwasan, ang kada Kristohanon mangin isa ka pari, may kasarang sa pagpangamuyo kag makadala sing mga pagpangabay diritso didto sa Dios nga Amay. Ang Dios nagdisenyo sing husto nga pamaagi agud makapalapit sa lya pinaagi sa pangamuyo. Amo ini ang lya protokol kon sa ano nga pamaagi makasulud sa lya kuwarto sang trono sang grasya. Kon indi ka makasunud sa protokol sang Dios ang imo mga pangamuyo indi mabatian ukon masabat.

Paano bala magpangamuyo:

- Magmangin ara sa pagpakig-upod kag napun-an sang Balaan Espiritu pinaagi sa pagtuad sang bisan anong nahibaloan nga mga sala didto sa Dios nga Amay.
- Ang pagpasunud:
 - Ipatumod ang imo pangamuyo didto sa Dios nga Amay.
 - Pinaagi sa gahum sang Balaan Espiritu.
 - Magtapos sa ngalan ni Ginoong Jesu-Kristo.

Nga nagapasalamat pirmi sa Dios tungud sang tanang mga butang sa ngalan sang aton Ginoong Jesu-Kristo, amo man sa Amay. (Mga Taga-Efeso 5:20)

Kon magpangamuyo ka, sulud sa imo kuwarto, kag isira ang puwertahan kag magpangamuyo sa imo Amay. (Mateo 6:6)

Ano ang dapat ipangamuyo:

Pagpasalamat. Magmapasalamaton, magdayaw kag magpasalamat sa Dios tungud sang Iya adlaw-adlaw nga mga pagsangkap sang grasya.

Magpasalamat sa tagsa ka butang; kay amo ini ang pagbuut sang Dios para sa imo sa kay Kristo Jesus. (1 Mga Taga-Tesalonica 5:18)

Ihalad ang inyo mga kaugalingon sa pagpangamuyo, magpabilin nga alerto sa sini nga panghunahuna sang pagpasalamat. (Mga Taga-Colosas 4:2)

Mga pagpatunga:

- Magpangamuyo para sa iban.
- Magpangamuyo para sa imo pungsod kag sa liderato sini.
- Magpangamuyo para sa yadtong nagapaninguha nga halitan ka.

Bisan ano ang inyo pangayoon sa Akon ngalan, ina pagahimoon Ko; agud nga ang Amay mahimaya sa Anak. (Juan 14:13)

Nagapangumbensi ako nga ang mga pangabay kag mga pangamuyo kag mga pagpasalamat, pagahimoon tungud sa tanan nga mga tawo, tungud sa mga hari kag sa tanan nga ara sa awtoridad, agud nga matuytuyan kita sa malinong kag matawhay nga pagpangabuhi sa bug-os nga pagkabalaan kag kadunggan. (1 Timoteo 2:1–2)

Higugmaa ang inyo mga kaaway kag magpangamuyo para sa yadtong nagahingabot sa inyo.
(Mateo 5:44)

Magkasadya sa paglaum, magbatas sa katublagan, magpadayon sing malig-on sa pagpangamuyo. (Mga Taga-Roma 12:12)

Mga Pangabay kag mga Paghangyo.

- Pangamuyo para sa imo kaugalingon.
- Maghangyo sa pagpakabalaan sang pagkaon.

Kon ang bisan sin-o nga nakulangan sang kinaalam, papangayoa siya sa Dios kag igahatag ini sa iya. (Santiago 1:5)

Kay ang tagsa ka tinuga sang Dios maayo, kag wala gid sing bisan ano nga isikway kon ini batonon nga may pagpasalamat; kay ini ginpakabalaan pinaagi sa Pulong sang Dios kag sa pangamuyo. (1 Timoteo 4:4–5)

Ngaa man nga dapat ka mangamuyo:

- Mando halin sa Dios.
- Bulig sa tion sang pagkinahanglan.

Niyan magatawag kamo sa Akon kag magapangamuyo sa Akon, kag magapamati Ako sa inyo.
(Jeremias 29:12)

Gani magpalapit kita nga may pagsalig sa trono sang grasya, agud nga makabaton kita sang

kalooy kag makakita sang grasya nga magbulig sa tion sang pagkinahanglan. (Mga Hebreo 4:16)

Ang Balaan Espiritu nagapatunga sa imo bahin:

Ang Balaan Espiritu nagabulig man sa aton kaluyahon; kay indi kita makahibalo kon paano magpangamuyo subong sang dapat naton pangamuyoan, apang ang Espiritu Mismo ang nagapatunga para sa aton. (Mga Taga-Roma 8:26)

Mga Rason Kon Ngaa ang Imo Pangamuyo Wala Ginsabat:

- Ang wala matuad nga sala sa imo kinabuhi.

Kon ginapalabi ko ang kalautan sa akon tagipsoon, ang Ginoo indi magpamati sa akon. (Salmo 66:18)

- Ang kapaslawan sa paggamit sang husto nga pagpasunud sang pangamuyo. Magpangamuyo sa Dios nga Amay, sa gahum sang Balaan Espiritu, kag tapuson sa ngalan ni Ginoong Jesu-Kristo.

Ang bisan ano nga inyo pangayoon sa Amay sa Akon ngalan ihatag Niya sa inyo. (Juan 15:16)

- Ang kawalay pagtoo.

Ang tanan nga mga butang nga inyo pangayoon sa pangamuyo, nga may pagtoo, mabaton ninyo. (Mateo 21:22)

- Sayup nga pang-engganyo.

Nagpangayo kamo kag wala makabaton, tungud kay nangayo kamo nga may sayup nga mga tinutuyo. (Santiago 4:3)

- Pagsikway sing laygay sang Dios.

Pamatii ang laygay kag batona ang disiplina, agud nga magmangin maalam ka sa nabilin mo nga mga inadlaw. (Mga Hulubaton 19:20)

- Indi suno sa pagbuut sang Dios.

Amo ini ang pagsalig naton sa Iya, nga, kon mangayo kita sang bisan anong butang suno sa Iya pagbuut, nagapamati Siya sa aton. (1 Juan 5:14)

Ang Dios nagasabat sa Iya panyempo, indi sang sa imo

- Mataastaason sa pagpangabay.

Nagpanawag sila didto, apang wala Siya nagsabat tungud sa garbo sang malaut nga mga tawo. Sigurado nga ang Dios indi magpamati sa walay unud nga pagpanawag bisan ang Makagagahum indi magsapak sini. (Job 35:12–13)

- Kulang sa pangkaugalingong kalinong.

Subong man kamo nga mga bana, magkinabuhi upod sa inyo mga asawa sa mahinangpanon nga

pamaagi. Kag pakitai siya sang dungog subong isa ka masigkamanunubli sang grasya sang kinabuhi, agud nga ang inyo mga pangamuyo indi mabalabagan. (1 Pedro 3:7)

- Ang espirituhanong pagtubo indi ulunahon.

Magatuytuy Ka sa akon pinaagi sa Imo Pulong nga ara sa akon kalag. (Salmo 73:24)

- Indi ka tumuluo ni Jesu-Kristo. Ang solo nga pangamuyo nga puwede ipangamuyo sang ditumuluo amo ang pangamuyo para sa kaluwasan.

Kay ang bisan sin-o nga magtawag sa ngalan sang Ginoo maluwas. (Mga Taga-Roma 10:13)

Ang nagatoo sa Anak may kinabuhi nga walay katapusan; ang wala nagatoo sa Anak indi makakita sing kinabuhi kondi ang kasingkal sang Dios nagapabilin sa iya. (Juan 3:36)

Ang simple nga pangamuyo nagabaylo sang imo kinabuhi kag sang imo madangatan

“Amay, nagatoo ako.

Gusto ko batonon si Jesu-Kristo subong akon Manluluwas.”

Mangin mapasensyahan kag mapinadayunon sa pagpangamuyo

TGH

Ang mga daugan nagaangkon sang Hunahuna ni Kristo.

Ton-i ang Pulong sang Dios. **Gamita** ini sa imo kinabuhi. **Magtubo** sa espirituhanong pagkahamtong. **Himayaa** ang Dios samtang ginakopya mo ang panghunahuna ni Jesu-Kristo kag ipresenta Siya liwat sa iban dira sa imo mga gin-sakupan sang impluwensya.

Pamatii ang Pulong sang Dios nga gintudlo sa imo sang kwalipikado-gid kaayo nga pastor-manunudlo.

Tungud sini nga rason ginakinahanglan magta-lupangud kita sing mahanoot sa kon ano ang aton nabatian, agud nga indi kita magpalayo sa sini. (Mga Hebreo 2:1)

Magpabilin sa kon ano ang imo nabatian. Ang mga mando sang Dios indi mabudlay. Ang pagpabilin sa ila nagakinahanglan sang pagtugyan sa awtoridad sang Dios kag magpadayon sa pagtoon kag paggamit sang Iya Pulong.

Amo ini ang gugma sang Dios, nga magpabilin kita sa Iya mga mando, kag ang Iya mga mando indi mabudlay. (1 Juan 5:3)

Magtubo sa espirituhanong pagkahamtong. Amo ini ang plano sang Dios para sa imo.

Tudloi ang maalamon nga tawo kag siya mag-maalamon pa gid; tudloi ang matarong nga tawo kag magadugang pa gid ang iya tinon-an. Ang pagkanalikupan sang Ginoo amo ang ginsuguran sang kinaalam, kag ang ihibalo amo ang paghangup. Kay paagi sa akon ang imo mga inadlaw magadugang kag ang mga tinuig sang kinabuhi igadugang sa imo. (Mga Hulubaton 9:9–11)

Ang TGH magahimo sa imo nga daugan Ton-i – Gamita – Himayaa

Bisan ano ang inyo ginahimo, himoa ang tanan sa kahimayaan sang Dios. (1 Mga Taga-Corinto 10:31)

Espirituhanong Bwelo

Agud magtubo sa pagkaespirituhanon, nagakinahanglan nga may positibo nga kabubut-on ka para sa panudlo sang Pulong sang Dios. Kon nagahunahuna ka nga, “lagson ko gid ini, indi importante sa akon kon diin ini, bisan ano pa ang mahitabo, magatipon gid ako sing Pulong sang Dios sa akon kinabuhi,” positibo ka! Amo ini ang umpisa sang espirituhanong bwelo.

Ang bug-os nga bwelo may kaangtanan sa Pulong sang Dios kag nagatiyog sa palibot sing duha ka mga desisyon sa imo bahin. Una amo ang pagpamati sa Pulong sang Dios sa mapinadayunon nga basihanang sa idalum sang buluhaton sing pagpangalagad sang kwalipikado-gid kaayo nga pastor. Ang ikaduha ang pagpabilin sang kon ano ang imo nabatian. Ang pagpamati kag pagpabilin amo ang kon sa ano nga pamaagi mo mapatukod ang espirituhanong bwelo sa imo kinabuhi.

Ang espirituhanong bwelo amo ang pagpamati kag pagpabilin sa Pulong sang Dios

Wala bala kamo nakahibalo nga yadtong nagadalagan sa palumba, tanan nagadalagan, apang isa lamang ang makabaton sang premyo? Gani magdalagan sa pamaagi nga magdaog kamo ... Ginahimo nila ini agud makabaton sang

madinulunton nga purongpurong, apang aton iya ang dimadinulunton. Gani, nagadalagan ako sa pamaagi subong sang indi magdalagan nga walay katuyoan. (1 Mga Taga-Corinto 9:24–26)

Ang espirituhanong bwelo amo ang kon ano ang naga-pabilin sa imo sa pag-abante sing pagdalagan sa palumba. Magpabilin nga nakasentro sa imo tinutuyo nga sa diin amo ang pagtubo sa espirituhanong pagkahamtong kag himayaon si Ginoong Jesu-Kristo sa kinataasan.

Samtang nagaabante ka sa imo Kristohanong kinabuhi, mapanan-aw mo ang kalibutanong sistema kag ang pag-pangsulay sang sini nga kalibutan nga magatinguha sa pag-pang-awat sa imo, magapalus-aw sa imo ukon magapiyerde sa imo. Indi sila pagtugoti. Magmangin alerto!

Magmangin alerto. Ang imo kaaway, ang yawa, nagalibotlibot kapareho sang nagangurob nga leyon nga nagapangita sing tulukbon. (1 Pedro 5:8)

Ang Armas sang Dios

Isuklob ang bug-os nga armas sang Dios agud nga makasarang ka sa pagtindog sing malig-on batok sa mga estratehiya sang yawa.

Kay ang aton paghimulat indi batok sa unud kag dugo kondi batok sa mga manugdumala, batok sa mga gahum, batok sa mga puwersa sang kalibutan sa sini nga kadudulman, batok sa espirituhanong mga puwersa sang kalautan sa langitnong mga duug.

Gani, gamita ang bug-os nga armas sang Dios, agud nga makasarang kamo sa pagpamatok sa malaut nga adlaw, kag makahimo sang tanang butang, nga makatindog sing maligon.

Gani magtindog sing malig-on, nga nawagkusan ang inyo hawak sing kamatuuran, kag nakasuklob sang panagang sang pagkamatarong.

Kag nasukluban ang inyo mga tiil sang preparasyon sang ebanghelyo sing paghidait.

Labaw sa tanan, nagagamit sang panaming sang pagtoo nga sa diin makasarang kamo sa pagpalong sang tanang nagadabadaba nga mga pana sang malauton.

Kag gamita ang helmet sang kaluwasan kag ang espada sang Espiritu, nga amo ang Pulong sang Dios.

Sa tanang pangamuyo kag pangabay magpangamuyo sa tanan nga mga tinion sa Balaan Espiritu, kag sa sini nga katuyoan, mangin alerto nga may bug-os nga pagpadayon kag pagpangabay tungud sang tanan nga mga balaan.

(Mga Taga-Efeso 6:11–18)

Isuklob

Ginahimo mo ini sa panghunahuna pinaagi sa paggamit sang mga galamiton sa pagsulbar-sang palaligban kag sa paggamit sang doktrina sang Bibliya sa imo kalag. Indi mo ini

masuklob kon wala mo ini naton-an. Nagakinabuhi ka sang Kristohanong kinabuhi sa imo kalag. Diri sini sa kon diin ka nagadaog sa mga inaway sang kinabuhi.

Agud nga makasarang ka magpamatok

Makapamatok ka sa mga pag-ataki sing kalibutanong sistema ni Satanas kag sa mga pagsulay sang kalibutan pinaagi sa paggamit sang divine nga kinaalam. Nagagamit ka sang espirituhanong panan-aw, pag-inoi kag paghangup.

Nga makahimo sang tanang butang

Mapinadayunon ka sa pagtoon sing Pulong sang Dios. Nagahunahuna ka sang hunahuna ni Kristo. Ginahimo mo ang imo parte agud mangin preparado.

Magtindog sing malig-on

Nagatindog ka sing malig-on. Nagapakalig-on ka sa imo kahimtangan. Indi ka mangin samaran nga Kristohanon.

Nawagkusan sing paha sang kamatuuran ang imo hawak

May ara ka Pulong sang Dios sa imo kalag. Amo ini ang kamatuuran. Sa paggamit sang pagpaanggid, ang tanan nga butang nga gingamit sang Romanhon nga sundalo nakaangot sa paha. Sa amo man, ang tanan nga butang sa kinabuhi nakaangot sa kamatuuran, ang Pulong sang Dios sa imo kalag.

Nasukluban sing panagang sang pagkamatarong

Ara sa imo ang ginpaangkon nga pagkamatarong sang Dios (+P) nga ginhatag sa imo sa tion sang kaluwasan. Nagapauswag ka sing kapasidad sang pagkamatarong sa pagtubo pakadto sa espirituhanong pagkahamtong.

Nasukluban ang imo mga tiil sing maayong balita sang paghidait

Nahangpan mo ang maayong balita kag ang imo responsibilidad sa pagpanaksi kag sa pagpresenta kay Jesu-Kristo liwat sa kalibutan. May ara ka kinaugalingong pagbatyag sa madangatan. Ang imo paghidait sa Dios nagaabot pinaagi kay Jesu-Kristo.

Nagagamit sing panaming sang pagtoo

Nagagamit ka sing pagpaanad sa pagtoo-nga may kapahuwayan kag nagatugot ini sa imo magpabilin nga nakatindog bisan pa sang mga pag-ataki nga ipilak sang kaway sa imo. Nakatindog ka sa mga saad sang Dios. Ginatalabid mo ang mga panaming sa iban pa nga mga Kristohanon.

Gamita ang helmet sang kaluwasan

Ang imo walay katapusan nga kasigurohan nagaprotekta sang imo ulo, sang imo mga panghunahuna. Si Satanas magapanghalughog sing magpabangud sa imo sa pagduhaduha sang imo kaluwasan.

Gamita ang espada sang Espiritu nga amo ang Pulong sang Dios

Nagagamit ka sing paghanas sa doktrina kag sang divine nga palanan-awon agud makatindog sing malig-on kag pai-sulon ang mga pag-ataki sing kalibutanong sistema ni Satanas, subong man ang mga pagpangpaon sang kalibutan.

Nga may bug-os nga pagpangamuyo kag pagpangabay

Mapasensyahan kag mapinadayunon ka sa pagpangamuyo nga nakahibalo nga ang Dios nagasabat sa lya panyempo, indi sang sa imo.

Magmangin alerto

Kay ang bisan sin-o nga natawo sa Dios naga-daog sang kalibutan; kag amo ini ang kadaugan nga nagdaog sang kalibutan: ang aton pagtoo. (1 Juan 5:4)

Ara ka sa espirituhanong gira

Isuklob ang Armas sang Dios agud magmadinalag-on

Divine nga Kaayo ukon Tawhanong Kaayo

Samtang nagapauswag ka sa espirituhanong bwelo sang imo kinabuhi, nagaprodukto ka sang divine nga kaayo kag nagahimaya sa Dios. Ini nagadala sang mga pakamaayo sa sini nga tinion kag mga padya sa eternidad.

Karon kon ang bisan sin-o nga tawo nagapatukod sang pundasyon sa bulawan, pilak, mala-halon nga mga bato, kahoy, hilamon ukon gin-laban, ang kada trabaho sang tawo mangin klaro; kay ang adlaw magapakita sini tungud kay ini igapadayag sa kalayo, kag ang kalayo mismo magatilaw sang kalidad sing kada tra-baho sang tawo. Kon ang bisan anong trabaho sang tawo nga iya ginpatukod nagapabilin, magabaton siya sing padya. Kon ang bisan anong trabaho sang tawo masunog, magaantos siya sing kadulaan; apang ang iya kaugalingon malu-was, apang lamang subong nga pinaagi sa kalayo. (1 Mga Taga-Corinto 3:12–15)

Ang pundasyon sa imo kinabuhi amo ang imo kaluwasan. Makapatukod ka sa sina nga pundasyon sang bulawan, pilak kag malahalon nga mga bato, ini amo ang divine nga kaayo, ukon makapatukod ka nga nagagamit sang kahoy, hilamon, kag ginalaban, ini amo ang tawhanong kaayo. May ara gid diperensya.

Ang **Tawhanong Kaayo** amo ang tanan mo nga produksyon nga nahimo nga ara sa gowa sang pagpakig-upod, sang ara ka sa pagkaunudnon tungud sang wala natuad nga sala. Ini nga mga aksyon nahulog sa kategorya sang kahoy, hilamon kag ginalaban. Sa pagka-nangin masako sa kusog sang unud (sa gowa sang pagpakig-upod) wala sing pulos. Amo ini ang gintawag patay nga mga trabaho ukon tawhanong kaayo. Ang tawhanong kaayo indi makahimaya sa Dios tungud kay ini nangin produkto sang ikaw ara sa idalum sang pagdumala sang imo makasasala nga kinaiya.

Ang **Divine nga** kaayo amo ang tanan mo nga mga produksyon samtang napun-an ka sang Balaan Espiritu kag amo ang kategorya nga mapadyaan sang bulawan, pilak kag malahalon nga mga bato. Ang divine nga kaayo nagahimaya sa Dios. Ini gintawag divine nga kaayo tungud kay ini nangin produkto sa idalum sang buluhaton sing pagpangalagad sang Dios Balaan Espiritu.

Kon napun-an ka sang Balaan Espiritu ang bisan ano nga imo himoon mangin divine nga kaayo

Pinaagi sa pagpuno sang Balaan Espiritu, ikaw naga-produkto sang bulawan, pilak kag malahalon nga mga bato. Ang pagtoon sa Bibliya, pagpanaksi, naengganyo-gid kaayo

nga paghatag, nagabuhay sang imo trabaho, nagatinlo sang imo balay, nagabulig sa imo anak sang leksyon sa balay, nagasagod sang imo mga apo ukon mga ginikanan, amo ang mga halimbawa sang divine nga kaayo.

Ang Dios amo ang nagatrabaho dira sa inyo, sa parehong pagbuut kag pagtrabaho tungud sang Iya maayong kabubut-on. (Mga Taga-Filipos 2:13)

Ang divine nga kaayo nagahimaya sa Dios kag puwede magamit sang Dios. Ang tawhanong kaayo indi makahimaya sa Dios. Indi Niya ini magamit. Ang divine nga kaayo may permanente, walay katapusang bili. Didto sa langit pagapadyaan ka tungud sang divine nga kaayo apang indi ka mapadyaan sang bisan gamay lang sa tawhanong kaayo. Sa pagkamatud, ang tanan mo nga tawhanong kaayo, ang imo kahoy, hilamon kag ginalaban, masunog didto sa Hukmanan nga Lingkoran ni Kristo. Ang bug-os nga tinion nga imo ginhinuyang sa maayong mga binuhatan nga nahimo sa gowa sang pagpakig-upod nangin sayang.

**Ang imo bala produksyon sa sini
nga tinion mangin isa ka dakong dabok?
Ukon ini bala mapadyaan kag magdala
sang mga pakamaayo karon?
Ikaw ang magpili**

Ang Imo Espirituhanong Dulot

Ang taga ka Kristohanon ginhatagan sang espirituhanong dulot sa tinion sang kaluwasan. Magagamit ako sing koponan sang football bilang ilustrasyon, may mga guwardya, mga sa sentro, mga tackle kag mga quarterback. Ang

mga quarterback kasami nga makakuha sing bug-os nga pagtalupangud tungud kay kasami sila ang matahum nga mga lalaki. Ang dulot sang pastor-manunudlo ukon ebanghelista ayhan ginakabig nga isa ka posisyon sang quarterback. May mga katawhan man sa linya nga nagapabiling ang malaw-ay nga mga tawo nga mas maayo kay sa matahum nga mga lalaki. Amo ini ang mga guwardya, mga tackle kag ang sa sentro.

Kamo tanan nahiusa kay Kristo. (Mga Taga-Galacia 3:28)

Walay isa nga mas dako kay sa iban tungud kay kita “nahiusa tanan kay Kristo.” Ara kita sa parehong koponan. Bisan pa kon ikaw wala pa nakahibalo kon ano ang imo espirituhanong dulot (posisyon), ini puwede makapanghikot. Magmapasensyahon kag magsentro sa espirituhanong pagtubo. Ang Dios Balaan Espiritu magapadayag sang imo dulot sa perpektong tion. Indi mo ginakinahanglan mahibal-an ang imo dulot agud makapangalagad pinaagi sini. Ang Dios nagbutang sang partikular nga posisyon para sa imo sa lya koponan. Hatagi sing prayoridad ang pagpauswag sang imo espirituhanong pagtubo agud nga makapangalagad ka sa imo pinakamaayo nga abilidad kon ikaw gintawag sa paham-pang.

Isa sa labing makapapukaw nga mga butang nahanungud sa pagkamangin Kristohanon amo ang pagdiskubre sang imo espirituhanong dulot, ang imo posisyon sa koponan ni Kristo

Ini nagakinahanglan sang pasensya kag pagpaungot sa pagtoon sa Pulong sang Dios. Kon napun-an ka sing Balaan

Espiritu kag nagatooon sing Pulong sang Dios sa idalum sang awtoridad sang imo tama nga pastor, nagasugod ka na sa paghimo sing maayong mga desisyon suno sa Pulong sang Dios. Ang divine nga palanan-awon nagatuytuy sa maayong mga desisyon kag nagahimaya kay Ginoong Jesu-Kristo.

**Kon ginahimo mo gid ang
Kristohanong kinabuhi sa kinadak-an
nga pagkasimple sini nagahimo ini sing
maayong mga desisyon sa adlaw-adlaw
suno sa kon ano ang ginasiling sang Bibliya**

May duha ka mga pamaagi agud mahimaya ang Dios sa imo kinabuhi. Ang una amo ang paghimaya sa lya pinaagi sa divine nga palanan-awon nga panghunahuna. Ang ikaduha amo ang mangin isa ka dimakit-an nga espirituhanong bagani subong isa ka Kristohanon nga nagaabante sa espirituhanong pagkahamtong.

Magtubo sa grasya kag ihibalo sang aton Ginoo kag Manluluwas nga si Jesu-Kristo. Sa lya ang himaya karon kag tubtub sa eternidad. (2 Pedro 3:18)

Agud nga ang ngalan sang aton Ginoong Jesus pagahimayaon sa inyo, kag kamo sa lya, suno sa grasya sang aton Dios kag ni Ginoong Jesu-Kristo. (2 Mga Taga-Tesalonica 1:12)

Ang Dimakit-an nga Bagani

Kasami nagahambal ako nahanungud sa mga bagani. Ano bala ang bagani? Indi ini ang tawo nga nagadalagan para sa touchdown. Nagatumod ako sa dimakit-an nga espirituha-

nong bagani nga nagatubo sa espirituhanong pagkahamtong. Ang katawhan sa komunidad ayhan wala nakatalupangud sa imo bilang isa ka dimakit-an nga bagani, apang ang Dios nakahibalo.

Mangin isa ka dimakit-an nga bagani

Amo ini ang isa pa gid ka pamaagi agud mahimaya ang Dios. Bilang isa ka dimakit-an nga bagani maimpluwensya mo sa pagkaespirituhanon yadtong ara sa imo palibot subong sang imo pamilya, mga kaupod sa trabaho, mga abyan, temporaryong mga makaupod kag mga sakup sang imo kongregasyon.

Ang dimakit-an nga mga bagani may makusog nga impluwensya sa pungsod kag sa kasaysayan. Ang Dios magagamit sang dimakit-an nga mga bagani agud palingkawason ang isa ka pungsod. Ginakinahanglan sila sa kada henerasyon kag sa kada grupo sang edad.

Pakamaayohon ang pungsod nga ang iya Dios amo ang Ginoo, ang katawhan nga Iya ginpili para sa Iya kaugalingong panublion. (Salmo 33:12)

Bilang isa ka dimakit-an nga bagani magabilin ka sang panublion para sa yadtong nagasunud sa imo sa sunud nga henerasyon. Magmangin isa ka sina.

Ang imo papanublion nagakinahanglan nga mangin espirituhanon

Dira sa Juan 17:14 si Jesu-Kristo nagpahinumdom sa mga gintoton-an, kag sa aton, nga **kita mga kaparehong mananakayon lamang sa sini nga kalibutan**. “*Ginhatagan*

ko sila sang Imo Pulong; kag ang kalibutan nagdumut sa ila, tungud kay sila indi taga-kalibutan, bisan man ako indi taga-sini nga kalibutan.” **Ang aton pagkabanwahanon didto sa langit.**

Subong isa ka Kristohanon sa Bahin 2 sa sini nga Tinion ari ka diri agud magrepresenta kay Jesu-Kristo sa sulud sang imo mga ginsakupan sang impluwensya kag magpresenta sa Iya liwat sa yadtong mga nagkaradula kag tagu-matayon. Ari ka diri subong isa ka kasanag, nga mangin makabibihag sa ditumuluo, agud tugotan ang ditumuluo nga makita ang bentaha sang may isa ka bag-o nga kinabuhi kay Kristo – ang kinabuhi nga walay katapusan.

Lakat kamo sa bug-os kalibutan kag iwali ang maayong balita nahanungud kay Jesu-Kristo.
(Marcos 16:15)

Nabaton ninyo sing libre, ginakinahanglan ihatag ninyo sing libre. (Mateo 10:8)

Nakahibalo bala kamo kon ngaa subong kita ka maus-wagon nga pungsod kag may madamo gihapon nga mga kahilwayan? Ini tungud kay nakatindog kita sa mga abaga sang madamong espirituhanong hamtong nga mga Kristohanon nga nauna sa aton nagkalamatay. Gintuman nila ang pagtawag sa ila kag ginhimaya ang Dios sa kinataasan.

Sa kada isa nga ginhatagan sing madamo, madamo ang ginakinahanglan; kag sa ila nga gintugyanan sing madamo, mas madamo pa gid ang ginapaabot nila sa iya. (Lucas 12:48)

Ginahangkat ko ikaw sa paghimo sing amo man agud nga kon didto ka na sa langit mabatian mo ang Ginoo nga nagasiling sa imo:

Maayo gid, Maayo kag matutum Ko nga ulipon.

Nangin matutum ka sa diyutay nga mga butang.

Padumalahon Ko ikaw sang madamong mga butang.

Sulud sa kasadya sang imo Agalon.

(Mateo 25 :21)

BAHIN 3

ANG KRISTOHANON SA ETERNIDAD

*Ang pagkinabuhi amo si Kristo kag ang
pagkapatay amo ang pagdaog (Mga Taga-Filipos 1:21)*

Ang Dios nagapili sang tion kag sang pamaagi kag sang duug sang imo pagsaylo sa langit. Mangin husto gid Siya sa tinion.

Magakadto ka sa imo lulubngan sa bug-os nga panuigon, kaangay sang linaylay sing uyas sa iya panag-on. Yari karon; nausisa namon ini, kag gani amo ini. Pamatii ini, kag hibaloa para sa imo kaugalingon. (Job 5:26–27)

Nakahibalo kita nga samtang nagapuyo kita sa lawas wala kita sa Ginoo; kay nagaginawi kita paagi sa pagtoo, indi paagi sa panolok; ara kita sa kaisog sang kabubut-on kag mas gustohon nga mangin wala sa lawas kag magpuyo upod sa Ginoo. (2 Mga Taga-Corinto 5:6–8)

Sa balay sang Akon Amay may madamong mga mansyon; kon wala, makasugid bala Ako; kay magakadto Ako agud magpreparar sing duug para sa inyo. Kag kon magkadto Ako kag magpreparar sing duug para sa inyo, magabalik Ako liwat kag batonon kamo sa Akon kaugalingon; agud nga kon diin Ako, didto man kamo. (Juan 14:2–3)

Ini nga panghambal buhi sa walay katubtuban sa pre-sensya sang Dios.

Nakapauli ka na!

Langit

Sa tion sang kaluwasan ikaw gingarantiyahan sang panublion nga magadugay sa walay katubtuban. Ini nga panublion nagalakip sang langit. Kasami nga ginapamangkot ako kon ano bala ang kaangay sang langit. Ini mangin mahimayaon gid kaayo, labaw pa sa mga ginalauman, kag mas maayo pa gid kay sa bisan kasan-o sang imo ginahanduraw.

Ang wala makit-an sang mata, ukon mabatian sang dalunggan, ukon ining nakasulud sa tagiposoon sang tawo ang mga butang nga ginpreparar sang Dios para sa yadtong nagahigugma sa Iya. (1 Mga Taga-Corinto 2:9)

Karon nagatolok kita sa malubog nga espiho, apang dason sina sa atubangay; karon nahibaloan ko ang kabahin lamang, apang dason sina mahibaloan ko ini sing bug-os. (1 Mga Taga-Corinto 13:12)

Ang Imo Nabanhaw nga Lawas

Kay ang aton pagkabanwahanon amo ang sa langit, sa diin matinguhaon naton nga ginahulat tungud sang Manluluwas, si Ginoong Jesu-Kristo, nga magabaylo sang aton kubus nga mga lawas nga mangin subong sa Iya mahimayaon nga lawas. (Mga Taga-Filipos 3:20–21)

Pahiran Niya ang tagsa ka luha sa ila mga mata; kag wala na sing bisan anong kamatayon; wala na sing bisan anong kasubo, ukon paghibi, ukon kasakit pa; ang unang mga butang nagtaliwan na. (Bugna 21:4)

Sa tion nga magbiya ka sa imo tawhanong lawas, ang imo lawas patay na apang indi ka “patay.” Buhi ka kag nagapakig-atubangay upod sa Ginoo. Ang imo lawas wala na nagbalik ini sa yab-ok. Magabaton ka sang bag-ong lawas, ang perpektong lawas, ang nabanhaw nga lawas sa diin magakinabuhi ka sa walay katubtuban.

Walay makasasala nga kinaiya nga kagarukan didto sa langit. Ang imo makasasala nga kinaiya indi mag-upod sa imo didto sa langit. Mabilin ini diri sa kalibutan sang ang imo lawas nagabalik sa yab-ok.

Nahilway ka sa imo makasasala nga kinaiya!

Mga Pakamaayo kag mga Padya sa Eternidad

Bulahan ang mga patay nga nagakalamatay sa Ginoo halin karon kutub sa palaabuton! Maka-pahuway na sila sa ila mga pagpangabudlay, tungud kay ang ila mga binuhatan magasunud sa ila. (Bugna 14:13–14)

Gusto sang Dios nga “magrasyahan ka” sang mga pakamaayo sa sini nga tinion nga magatuytuy sa mga pakamaayo kag mga padya didto sa eternidad. Agud mabaton ini nga mga padya ginakinahanglan makompleto mo ang imo pag-abante pakadto sa espirituhanong pagkahamtong. Samtang ang imo espirituhanong kinabuhi nagauswag,

ang Dios magahatag sing mas madamo pa gid nga mga pakamaayo sa imo.

Indi kita magkataka sa paghimo sing maayo, kay sa nagakaigo nga tion magaani kita kon indi kita pagpunawon. (Mga Taga-Galacia 6:9)

Kay ang Ginoong Dios amo ang adlaw kag panaming; ang Ginoo nagahatag sing grasya kag himaya; walay maayo nga butang nga idumili Niya sa yadtong nagaginawi sing matadlong. O Ginoo sang mga kasundalohan, daw ano ka bulahan ang tawo nga nagasalig sa Imo! (Salmo 84:11–12)

May ara ka sing makatilingala nga plano sa pagretiro sa Ginoo. Ang imo produksyon sang divine nga kaayo sa sini nga tinion magadugang pa gid subong man ang mga padya sa eternidad – bulawan, pilak kag malahalon nga mga bato.

Sa palaabuton may natigana para sa akon nga korona sang pagkamatarong, nga sa diin ang Ginoo, ang matarong nga Hukum, magapadya sa akon sa sina nga adlaw. (2 Timoteo 4:8)

Ang nagatoo sa Akon may kinabuhi nga walay katapusan kag indi na paghukman kondi nakasaylo na halin sa kamatayon pakadto sa kinabuhi. (Juan 5:24)

Ang Ditumuluo didto sa Eternidad

Ari amo ang paglarawan sa kon ano ang pagaatubangon sang ditumuluo didto sa Ulihing Paghukum – Ang Paghukum

sa Dakong Puti nga Trono:

Dayon nakita ko ang dakong puti nga trono kag Siya nga nagalingkod sini, nga sa kon kay sin-o presensya ang kalibutan kag langit nagpalagyo, kag walay duug nga nakit-an sa ila. Kag nakita ko ang mga patay, ang dalagko kag magamay, nga nagatindog sa atubangan sang trono, kag ang mga libro ginbuklad; kag ang isa pa ka libro ginbuklad, nga amo ang libro sang kinabuhi; kag ang mga patay ginhukman tungud sa mga butang nga nasulat sa mga libro, suno sa ila mga binuhatan. Kag ginhatag sang dagat ang mga patay nga ara sa iya, kag ginhatag sang kamatayon kag Hades ang mga patay nga ara sa ila; kag ginhukman sila, ang kada isa sa ila suno sa ila mga binuhatan. Dayon ang kamatayon kag Hades gintagbong sa linaw nga kalayo. Ini amo ang ikaduhang kamatayon, ang linaw nga kalayo. Kag kon ang bisan sin-ong ngalan indi makit-an nga nasulat sa libro sang kinabuhi, gintagbong siya sa linaw nga kalayo. (Bugna 20:11–15)

Dapat pasalamatan mo gid ang Dios karon mismo nga tungud sang makatilingala nga grasya ni Ginoong Jesu-Kristo magakadto ka sa langit kag indi pakadto sa Linaw nga Kalayo. **Ngaa bala may ara ka sing kinabuhi nga walay katapusan? Tungud kay ikaw ara kay Kristo.** Nakahimo ka sing desisyon nga magtoo kay Jesu-Kristo subong imo Manluluwas pinaagi sa pagtoo lamang sa kay Kristo lamang.

SI KRISTO ARA SA IMO

*Magtubo sa grasya kag ihibalo
sang aton Ginoo kag Manluluwas
nga si Jesu-Kristo. (2 Pedro 3:18)*

Amo ini ang mando sang Dios sa imo. Ini amo ang Kurso sa Masangkad nga Paghanas sang Pagka-Kristohanon. Ginsugo ka nga magtubo sa pagkaespirituhanon kag ini nagaumpisa paagi sa pagtoon sang mga pangunang protokol nga plano sang Dios.

Nagalaum ako nga ini nga libro mangin isa ka pagpapagsik sa imo. Ara sa imo ang proseso (impormasyon kag oportunidad) agud mapauswag ang imo kinaugalingong relasyon sa imo Ginoo kag Manluluwas.

- Magpabilin nga Napun-an sang Balaan Espiritu.
- Magtoon sing Pulong sang Dios.
- Gamita ang mga Galamiton sa Pagsulbar-sang Palaligban.
- Magtubo sa Espirituhanong Pagkahamtong.

Ang kalipay iya sa yadtong nagapamati sa Pulong sang Akon Amay kag nagatuman sini.
(Lucas 11:28)

Pamatii ini kag tumana ini. Amo ini ang espirituhanong bwelo. Nagatoon kag nagatuman ka sang hunahuna ni Kristo. Nagahunahuna ka sang divine nga palanan-awon. Nagaabante ka pakadto sa espirituhanong pagkahamtong.

Ginahimaya mo si Jesu-Kristo.

Si Kristo ara sa imo, ang paglaum sang himaya.
(Mga Taga-Colosas 1:27)

Si Jesu-Kristo nagapuyo sa imo

Ginakinahanglan magsilak Siya pinaagi sa imo

Ginakinahanglan makita Siya sang kalibutan sa imo

Amo ini ang Pagka-Kristohanon!

Tultulanan sa Balaan nga Kasulatan

Bugna

1:8	13
3:19	29
14:13–14	97
20:11–15	99
21:4	97

Exodo

14:13	55
20:12	37

Genesis

10:5	37
11:8	37
50:20	57

Isaias

43:25	23
51:8	12
59:2	22

Jeremias

9:24	42
15:16	62
23:23–24	13
29:12	77
29:13	32

Job

5:26–27	95
35:12–13	79

Josue

1:9	56
-----	----

Juan

1:1	13
3:3	6
3:36	80
5:24	8, 98
7:28	14
10:28–29	8
13	20
14:2–3	95
14:6	7
14:13	76
14:15	65
14:26	27
15:11	69
15:16	78
16:13	44
16:33	2
17:14	92

1 Juan

1:5	14
1:8	18
1:9	21, 23, 31, 52
2:5–6	64
2:25	10
4:4	14
4:16	12

4:20–21	66	1 Mga Cronica	
5:1	7	29:11	12
5:3	81		
5:4	7, 87	2 Mga Cronica	
5:13	10	7:14	37
5:14	39, 79		
		Mga Hebreo	
Judas		2:1	81
1:24–25	72	4:12	44
		4:16	78
Lucas		5:12	43
1:37	13	12:1	15
11:28	36, 100	12:2	69
12:48	93	12:5	29
		12:6–7	28
Malaquias		12:15	24
3:6	14	13:5	10
		13:8	11
Marcos			
16:15	93	Mga Hulubaton	
		1:7	46
Mateo		2:10–11	45
5:44	77	3:5–6	56
6:6	75	3:13	68
10:8	93	3:13–21	47
11:29–30	17	4:11–13	62
21:22	78	9:9–11	81
22:37	64	15:10	31
22:42	4, 36	19:20	79
24:35	38	19:21	63
25:21	94		
		Mga Salmo	
Mga Binuhatan		23:4	59
16:31	4	32:5	20, 23

33:11	14
33:12	92
56:3	56
56:11	55
66:18	78
73:24	80
84:11–12	98
89:14	12
90:14	68
94:19	70
100:5	14
112:1	17
119:105	61
147:5	13

Mga Taga-Colosas

1:27	101
2:3	50
4:2	76
4:6	61

1 Mga Taga-Corinto

2:9	96
2:10	33
3:12–15	87
6:19–20	53
7:2	36
9:24–26	83
10:13	57
10:31	82
11:28–31	30
13:12	96

2 Mga Taga-Corinto

5:6–8	95
-------	----

5:21	5
12:9	59
13:5	34

Mga Taga-Efeso

2:7	60
2:8–9	5, 58
3:16	27
3:19	68
3:20	59
4:7	6
4:30	28
4:32	67
5:15–17	44
5:18	52
5:20	75
6:1–4	65
6:10–16	54
6:11–18	84

Mga Taga-Filipos

1:9	67
1:21	95
2:5	1, 16
2:13	89
3:13–14	15, 24
3:20–21	96
4:4	68
4:7	71
4:11–13	70
4:19	55

Mga Taga-Galacia

2:20	71
3:26	7

3:28	90
5:16–17	19
6:9	98

Mga Taga-Roma

1:16	8
5:12	6
6:12	19
6:23	6
8:26	78
8:31	56
8:38–39	9
10:13	80
10:17	53
11:33	45
12:3	1
12:2–3	61
12:12	77

1 Mga Taga-Tesalonica

5:18	76
5:19	28
5:24	14

2 Mga Taga-Tesalonica

1:12	91
3:5	65

Nehemias

8:8	33
-----	----

1 Pedro

1:8	64
1:13	60
3:7	80
3:15	71
5:4	59
5:6	31
5:7	55
5:8	46, 83

2 Pedro

1:4	54
3:18	18, 91, 100

Santiago

1:5	77
4:3	79
4:14	45

1 Timoteo

2:1–2	76
4:4–5	77
6:12	15

2 Timoteo

2:13	9
2:15	32
4:8	98

MGA GALAMITON SANG DIOS SA PAGSULBAR SANG PALALIGBAN

PANUMBALIK

PAGPUNO SANG
BALAAN ESPIRITU

PAGPAANAD SA
PAGTOO-NGA MAY
KAPAHUWAYAN

PAGPAHANAS
SA GRASYA

PAGPAHANAS
SA DOKTRINA

KINAUGALINGONG
PAGBATYAG SA
MADANGATAN

KINAUGALINGONG
GUGMA PARA SA DIOS

DIKINAUGALINGONG
GUGMA PARA SA
TANANG KATAWHAN

PAGPAKIG-AMBIT SA
KALIPAY SANG DIOS

PAGKANALIKUPAN
NI KRISTO

PARA SA IBAN PA NGA
EKSAKTONG MGA PAGTOON
SA BIBLIYA MAGPAKIG-ANGOT SA:

BERACHAH CHURCH

2815 Sage Road
Houston, Texas 77056-6002
Berachah.org | 713-622-6922

R. B. THIEME, JR., BIBLE MINISTRIES

P. O. Box 460829
Houston, Texas 77056-8829
rbthieme.org | 713-621-3740

Wala sing bayad para sa bisan anong materyales halin sa Berachah Church ukon sa R. B. Thieme, Jr., Bible Ministries. Ang bisan sin-o nga nagahandum sing panudlo sa Bibliya makabaton sang amon mga nakarekord ukon mga publikasyon sa walay obligasyon. Ang Dios nagasangkap sang doktrina sa Bibliya. Nagahandum kami sa pagpakita sang lya grasya.

Kon ikaw, ukon ang isa ka hinigugma,
nabilanggo kag gusto magtoon sing Pulong sang
Dios magpakig-angot sa:

PHILIPPI FREEDOM MINISTRY

P. O. Box 552
Chesterfield, Missouri 63006-0552
philippifreedomministry.org
314-435-2957

Ang Philippi Freedom Ministry nagapresenta sing mensahe sang Ebanghelyo sang Pagtoo Lamang sa kay Kristo Lamang kag nagatudlo sang pangunang mga Doktrina sa Bibliya sa yadtong mga nabilanggo. Ang katuyoan sini nga buluhaton sing pagpangalagad amo ang paghimo sang sa doktrina nga panudlo sa Bibliya nga nakahanda sing walay bayad ukon obligasyon.



RICK HUGHES, ang tagpundar kag presidente sang Rick Hughes Evangelistic Ministries, Inc. nagapalapnag sang klaro kag malip-ot nga Bibliyanhong mga palatukuran para sa mga manugpamati nga magpili agud gamiton sa ila mga kinabuhi. Sa sulud sing sobra sa 50 ka tuig, si Rick nakapresenta sing kamatuuran sa mga linibo ka mga estudyante kag nagahambal sa ginatos ka mga eskwelahan kag mga kasimbahanan. Siya nakasulat na sing pila ka mga libro kag nagahambal sa senimana nga pagwaragwag sa radyo kag sa adlaw-adlaw nga podcast. Ang *FLOT Line*, bug-os nga nakahanda, nga libre, sa iya website, rickhughesministries.org.

Isa ka tumandok sang Birmingham, Alabama, si Rick Hughes nagdako sa isa ka disente, solong-ginikanan nga panimalay. Nakilala niya ang iya kaugalingon pinaagi sa kamaayo sa mga pahampang nga nangalanan sa High School All American nga koponan sang football kag nakahimo sang mga listahan sa estado sang shot put kag discus. Ang Unibersidad sang Florida nagpirma kay Rick para sa bug-os nga football eskolar, apang ang iya SAT nga puntos nangin manubo kaayo. Nahangkat sang isa ka taghanas agud malampasan ini nga kapaslawan, si Rick mismo ang nagsulud sa klase subong sang ginhimo niya sa wayang. Ginpanghimuslan niya dayon ang hangkat, ginkuha ang ikaduhang kahigayonan, nakasulud sa Unibersidad sang Alabama subong isa ka manughampang sang football sa idalum sing paghanas sang bantog nga respetadong taghanas nga si Paul “Bear” Bryant, kag ang koponan nagdaog sa pungsudnong pagka-tsampiyon sa sina nga tuig. Apang, pagkatapos sang isa lamang ka madinaugon nga tuig, si Rick nag-untat sang pag-eskwela kag nagpaanod sa *akon pamaagi kag desisyon ang masunud*. Si Rick nakatalupangud sang *malain nga mga desisyon nga nagapugong sa palaabuton nga mga mapiliang posibilidad, kag ang Dios naghatag sa imo sang duha ka mga lalambuton: ang isa pagaatubangon kag ang isa pagahunahunaon. Ang kadalag-an sa kinabuhi nagadepende sa kon ano nga lalambuton ang imo gingamit. Heads you win—tails you lose*. Madamo sa kinaugalingong mga ekperyensya ni Rick ang nakabulig sa pagtudlo sini nga mga palatukuran sing maathag.

Nag-abot ang makahuluganong pagbaylo ni Rick sang ginbaton niya si Ginoong Jesu-Kristo subong iya Manluluwas, pinaagi sa pagtoo lamang sa kay Kristo lamang. Ini amo ang labing importanteng desisyon sa imo kinabuhi, man. Ang desisyon ni Rick nagbuklad sang bag-ong dalanon, indi sa football, kondi ang isa ka kinaugalingong gindisenyo sang Dios para sa iya. Pinaagi sa buluhaton sang pagpangalagad sing Berachah Church sa Houston, Texas, kag sa mga pastor sini, R. B. Thieme, Jr. kag karon R. B. Thieme III, si Rick nakatoon sang mga palatukuran kag mga saad sang Pulong sang Dios nga nagatuytuy sa iya sa kinabuhi sang buluhaton sing pagpangalagad. Ang kinabuhi ni Rick amo ang pamatuud nga kon talikdan mo ang listahan sang hilimoon kag magaginawi sa plano sang Dios, maangkon mo ang katumanan kag kalipay labaw pa sa imo ginahanduraw. “Kay sa Dios walay bisan ano nga indi mahimo” (Lucas 1:37).

ANG KURSO SA MASANGKAD NGA PAGHANAS SA PAGKA-KRISTOHANON

Ang pagka-Kristohanon amo nga si Jesu-Kristo nagakinabuhi dira sa imo. Ini amo ang relasyon sa imo Manluluwas, indi relihiyon. Ang Kristohanong pamaagi sang pagkinabuhi amo ang labaw pa sa natural nga kinabuhi nga ginkinabuhi nga nagagamit sang labaw pa sa natural nga kamanggaran sing pagpuno sang Balaan Espiritu kag ang kakusog sang buhi nga Pulong sang Dios sa imo kalag. Ang pagka-Kristohanon amo ang nahanungud sa pagbaylo sang imo panghunahuna. Ini amo ang pagtoon sa paghunahuna paagi sa divine nga palanan-awon, indi sang tawhanong palanan-awon. “Indi magpauyon sa sini nga kalibutan, kondi magbaylo paagi sa pagbag-o sang inyo hunahuna.” (Mga Taga-Roma 12:2). Ang Dios nagsangkap sa aton sing libro sang estratehiya kon paano magkinabuhi—ang Bibliya. Pinaagi sa sini nga pagtoon, makatoon ka sing pangunang mga palatukuran halin sa Pulong sang Dios agud matuman ang plano sang Dios para sa imo kinabuhi, lakip ang 10 ka mga galamiton sang Dios sa pagsulbar-sang palaligban. Kon ton-an mo sila kag gamiton sila, magahimo sila subong ang dimakit-an nga balabag agud pungan ang sa gowa nga ginahalinan sang kalisdanan sa pagkamangin sobra ka lapyo sa imo kalag. Ang kalisdanan amo ang kon ano ang ginahimo sang mga kahitaboan sa imo. Ang sobrang kalapyo amo ang ginahimo mo sa imo kaugalingon. Makaangkon ka sing kinabuhi nga hilway sa sobrang kalapyo, kabalaka, kaakig ukon kahadlok. Ini amo ang Kristohanong kinabuhi kag ang matahum kaayo nga pamaagi sini sang pagkinabuhi.



Rick Hughes
EVANGELISTIC MINISTRIES